

ጳውሎስ ቆርንቶሳ ኣሳሰ ፃፊዳ ኮይሮ ኪታ ጋሳ ቆፋ

ጳውሎስ ቆርንቶሳ ኣሳሰ ፃፊዳ ኮይሮ ኪታይ ፃፊቲዳይ፡ ጳውሎስ ቆርንቶሳን ኤሲዳ ዋሳ ኩላን ኣማኒያ ኣሳ ዳዖኒኔ ኣማኖ ቦላ ዳንዲዳ ማቲዋሰ ዛር ኢማናሳ። ሄ ዋዴ ቆርንቶሳ ካታማይ ቢታን ዳዒያ ዲማ ዲማ ኣሳይ ዳዒያ ገሪኬ ካታማኔ ኣካያ ገያ ርማ ኣዉራጃሰ ዋና ካታማ። ሄ ካታማይ ዛልዔን ኤሬቲዳ፣ ዋጋን ማኒዳ፣ ዲማ ዲማ ኢታ ዳዖን ዳልጊዳይሳኔ ሃይማኖቲ ዳርቴላን ኤሬቲዳይሳ።

ሃዋሬይ ማንሲዲ ኦዳናው ኮዪዳይ፡ ሄ ዋሳ ኩላ ገደን ማዴቲዳ ሻሆቴላባ፣ ዲማ ዲማ ኢታ ዳዖባ፣ ላይማቴላባ፣ ኤኮ ጌሎባ፣ ዋሳ ኩላ ዋጋባ፣ ጌሻ ኣያና ኢሞታታባኔ ሃይቆፔ ዳንደባ። ዋንጌላይ ሃ ኦይሻታ ዋቲ ዛሪያኮ ሃዋሬይ ናጊዲ ኦዳሰ።

ሲቆይ ያሳይ ባ ኣሳሰ ኢሚዳ ኣቶ ኢሞታ ገዳይሳ ሸምፖ ታማኔ ሄቫይ ቆንጨሴሰ፤ ቃሲ ሸምፖ ታማኔ ሄቫይ ሃ ማፃፋን ዳር ኤሬቲዳ ኪፊሌ ጌቴቲዳ ኤሬቴሰ።

1 ቆርንቶሳ ኪታ ኣይፌ ቆፋታ

- ጌሎ ቆፋ 1:1-9
- ኣማኒያ ኣሳ ገደን ማዴቲዳ ሻሃቴላ 1:9-4:21
- ላይማቴላኔ ሶ ኣሳ ዳዖ ዋጋ 5:1-7:40
- ኣማኒያ ኣሳኔ ኣማኖና ኣሳ 8:1-11:1
- ዋሳ ኩላኔ ጎይኖ ዋጋ 11:2-14:40
- ኪሪሰቶሳ ዳንዲዋኔ ኣማኒያ ኣሳ ዳንዲዋ 15:1-58
- ዪሁዳን ዳዒያ ማቶቴቲዳ ኣማኒያ ኣሳሰ ማዶ 16:1-4
- ኩሻ ቆፋ 16:5-24

1 ያሳ ሸኒያን ዬሱሰ ኪሪሰቶሳ ሃዋሬ ገዳናው ጭቲዳ ጳውሎስ፤ ኦ ኢሻ ሶሰቴኒሲ። 2 ቆርንቶሳን ዳዒያ ያሳ ዋሳ ኩላሰ፡ ዬሱሰ ኪሪሰቶሳን ጌዪዳይሳታሲኔ ጌሺ ገዳና ማለ ጭቲዳይሳታሰ፤ ቃሲ ኤንታሲኔ ኦሰ ጎዳ ገዲያ ኦ ጎዳ ዬሱሰ ኪሪሰቶሳ ሱንላ ኡባ ቤሳን ጃጊያ ኡባሰ፤

3 ያሳይ፡ ኑ አዋይኔ ጎዳይ ዬሱስ ኪሪስቶስ ሂንቴው አቶ ኬሃቴላኔ ሳርቴላ አሞ።

ጳውሎስ ያሳ ጋላቴስ

4 ያሳይ ኪሪስቶስ ዬሱሳ ባጋራ ሂንቴው አሚዳ አቶ ኬሃቴላ ጊሾ ታኒ ኡባ ዋዴ ያሳ ጋላታይስ። 5 ኢያን ኦዳኒኔ ኤራቴላ ኡባን ሂንቴ ዱሬቴዳታ። 6 ታኒ ኪሪስቶሳባ ማርካቴዳይሲ ቱማ ጊዳይሳ ሄሲ ቆንጨሴስ። 7 ሄሳ ጊሾ፣ ሂንቴ ኑ ጎዳ ዬሱስ ኪሪስቶሳ ዩሳ ናጊሼ ዴዲሺን፣ አይ ኢያና አሞይካ ሂንቴው ፓጩና። 8 ኑ ጎዳ ዬሱስ ኪሪስቶስ ሰሚያ ዋዴ ሂንቴ ቦሪቶናይሳታ ጊዳና ማላ ኢ ወርሴሌ ጋካናው ሂንቴና ሚንላና። 9 ባ ናዓ፣ ኑ ጎዳ ዬሱስ ኪሪስቶሳራ ኢሲፊቴላይ ዳና ማላ ሂንቴና ፀጊዳ ያሳይ አማኔቲዳይሳ።

ዋሳ ኬላን ዴዲያ ሻሁዋ

10 ታ ኢሻቶ፣ ሂንቴ ጊደን ሻኬቴሌ ዶናዳ ሂንቴ ኢሲ ዋዛናኒኔ ኢሲ ቆፋን ኢሶ ጊዲዲ፣ ዳና ማላ ኑ ጎዳ ዬሱስ ኪሪስቶሳ ሱንላን ታ ሂንቴና ዋሳይስ። 11 ታ ኢሻቶ፣ ቁሎዔ ሶ አሳይ ሂንቴ ጊደን ኦሺ ዴዲይሳ ታው ኦዲደሶና። 12 ሂንቴፊ ኢሶቴ ኢሶቴ፣ «ታኒ ጳውሎሳሳ፤ ታኒ አጲሎሳሳ፤ ታኒ ዴዲሮሳሳ፤ ታኒ ኪሪስቶሳሳ» ያጌታ። 13 ኪሪስቶስ ሻኬቴዴዴ? ሂንቴ ጊሾ ማስቃሊያ ቦላ ካቁቴዳይ ጳውሎሴዴ? ዋይኮ ሂንቴ ጳውሎሳ ሱንላን ፃማቁቴዳቴዴ?

14 ታኒ ቃሪስጶሲኔ ጋዮሲ አቴን ሂንቴፊ ኦናካ ፃማቃቦና ጊሾ ያሳ ጋላታይስ። 15 ሄሳ ጊሾ፣ ኦኒካ ሂንቴና ታ ሱንላን ፃማቁቴዳታ ጋናው ዳንዳዔና። [16 ቃሲ ኢስዲፋኖሴ ሶ አሳካ ታ ፃማቁዳይሳ ኦኬካይስ፣ ሺን ሃራ ኦና ፃማቁዳኮ ሃሳዪኬ።] 17 ኪሪስቶስ ታና ከቴዳይ ዋንጌላ ኦዳና ማላሳፊ አቴን ፃማቃና ማላ ጊዴና። ኪሪስቶስ ማስቃሊያ ቦላ ሃይቁዳይሲ ሃዳ ጊደና ማላ ታኒ አሳ ጨንጫቴላ ቃላን ኦዲኬ።

ኪሪስቶስ ያሳ ዋልቃኔ ጨንጫቴላ

18 ኪሪስቶስ ማስቃሊያ ቦላ ሃይቁዳይሳ ኦዲያ ቃላይ ቆይይሳታስ ኤያቴሌ፣ ሺን ኑስ አቴይሳታስ ያሳ ዋልቃ። 19 ጊሻ ማፃፋን፣

«ታኒ ጨንጫታ ጨንጫቴላ ቆይሳና፤
ኦኬካንቾታ ኦኬካ ባሌላና»

ያጌስ።

20 ያተን፣ ጨንጨ አውን ዳዒ? ሂጌ አስታማሪይ አውን ዳዒ? ዋይኮ ሃ ሳዓ ኤራንቸይ አውን ዳዒ? ያሳይ ሃ ሳዓ ጨንጨቴላ ኤያቴሌ ኦሲቤን?

21 ሃ ሳዓ አሳይ ባንታ ጨንጨቴላን ያሳ ኤሮና ማላ ባ ጨንጨቴላን ዲጊዲ፣ ኤያቴላን ታይቤቴያ፣ ኮኒ ኦዲያ ቃላን አማኔይሳታ አሻናው ያሳ ሸኔ ጊዲስ። 22 አይሁዳቴ ማላታ ቤዓናው ኮዮሶና፤ ቃሲ ገሪኬቴ ጨንጨቴሌ ኮዮሶና። 23 ሺን ኮኒ ማስቃሊያ ቦላ ካቄቴዳ ኪሪሰቶሳ ሳባኮስ። ሄሲ አይሁዳታስ ቆቤ፤ ቃሲ ገሪኬታስ ኤያቴሌ። 24 ሺን ያሳይ ፃጊዳይሳታስ፣ አይሁዳ ጊዲን፣ ገሪኬ ጊዲን ኪሪሰቶሲ ያሳ ዋልቃኔ ኢያ ጨንጨቴላ። 25 ያሳ ኤያቴላይ አሳ ጨንጨቴላፊ አዴስ፤ ቃሲ ያሳ ዳቡራይ አሳ ሚኖቴላፊ ሚኔስ።

26 ሂዛ፣ ታ ኢሻቶ፣ ያሳይ ሂንቴና ፃጊያ ዋዴ ሂንቴ አይ ማላ አሴኮ ቆፒቴ። አሳ ቆፋን ሂንቴ ጊዲን ጨንጨቴ፣ ዋልቃማቴኔ ቶቃ ዛሬቴ ዶኮና። 27 ሺን ያሳይ ጨንጨታ ዩላያናው አላሜን ዳዒያ ኤያታ ዶሪስ፤ ቃሲ ሚኖታ ዩላያናው አላሜን ዳዒያ ዳቡራንቸታ ዶሪስ። 28 ያሳይ ሃ አላሜን ገታ ጌቴቴዳባ ቆይሳናው፣ ሃ ሳዓ ካዉሻባ፣ ካዴቴዳባኔ ፓሶናባ ዶሪስ። 29 ኦኒካ ያሳ ሲንላን ጨቄቶና ማላ ሄሳ ኦሲስ። 30 ሺን ያሳይ ሂንቴው ኪሪሰቶስ ዩሱሳራ ኢሲፊቴሌ ዳና ማላ ኦሲስ። ኢ ኮስ ያሳፊ ጨንጨቴሌ፣ ጂሎቴሌ፣ ጌሻቴሌኔ አቶቴሌ ጊዲስ። 31 ሄሳ ጊሾ፣ ጌሻ ማፃፋን፣ «ጨቄቴያ ኦኒካ ጎዳን ጨቆ» ያጌስ።

2

ኪሪሰቶሳ ካቄቴላ

1 ታ ኢሻቶ፣ ታኒ ኮይሮ ያሳ ቃላ ሂንቴው ኦዲሾ ዩዳ ዋዴ ዶና ቢላቴላኒኔ ጨንጨቴላን ያቢኬ። 2 ታኒ ሂንቴራ ዳዒያ ዋዴ ማስቃሊያ ቦላ ካቄቴዳ ዩሱስ ኪሪሰቶሳቴ ኦቲን ሃራባ ኤራናው ኮዩኬ ጋዳ ታ ቆፋ ቃቻስ። 3 ታ ሂንቴራ ዳዒያ ዋዴ ዳቡራን፣ ያሻኒኔ ዳሮ ኮኮርሳን ዳዒስ። 4 ታ ኪታይኔ ታ ቴሚርቴይ ዶና ቢላቴላኒኔ ጨንጨቴላን ጊዲናሺን ጌሻ ኢያና ዋልቃ ቆንጨሴላና። 5 ሄሲካ፣ ሂንቴ አማኖይ ያሳ ዋልቃናፔ ኦቲን አሳ ጨንጨቴላን ዜምፖና ማላሳ።

1:19 ኢሳ 29:14 1:20 ኢዮ 12:17፤ ኢሳ 19:12፤ 33:18፤ 44:25 1:31 ኤር 9:24 2:3 ሃ.አ 18:9

ፆሳ ጨንጫቴላ

6 ኣያና ዴፆን ዲጨ ዳይሳታስ ኮኒ ጨንጫቴላ ቃላን ኦዶስ። ሺን ሄ ጨንጫቴላይ፡ ሃ ሳዓ ጨንጫቴላ ዋይኮ ጳያናው ዴዲያ ሃ ሳዓ ሃሬይሳታ ጨንጫቴላ ጊዳና። 7 ሺን ኮኒ ኦዲያ ጨንጫቴላይ፡ ዳር ዋዴፔ ሲንጼ ፆሳይ ኮ ሲንቹዋስ ገጊሲ ዳይሳኔ ጌሚዲ ዴዲያ ፀራ ጨንጫቴላ። 8 ሃ ሳዓ ሃሬይሳታፔ ኦኒካ ሃ ጨንጫቴላ ኤሪቤና። ኤንቲ ኤሪዳባ ጊዲያኮ፡ ሲንቹ ሳዳ ማሰቃሊያ ቦላ ካቆኮና። 9 ሺን ጌሻ ማፃፋን፡

«ኣይፌይ ቤዒቦናባ፡
ሃይላ ሰዒቦናባ፡
ዋዛኒ ቆፒቦናባ፡

ፆሳይ ባና ሰቄይሳታስ ገጊሲስ» ያገሱ።

10 ፆሳይ ባ ፀራ ባ ኣያና ባጋራ ኮስ ቆንጨሲስ። ጌሻ ኣያናይ ሃሪ ኣቶሺን ጌሚዳ ፆሳ ፀራ ኡባ ፒልጌስ። 11 ኣሳን ዴዲያ ኣሳ ኣያናፔ ኣቲን ኣሳባ ኦኒካ ኤሪና። ሃሳዳካ፡ ፆሳባ ፆሳ ኣያናፔ ኣቲን ኦኒካ ኤሪና። 12 ፆሳይ ኮስ ጮ ኣሚዳባ ኮ ኤራና ሜላ ፆሳ ኣያና ኤኪዳፔ ኣቲን ሃ ሳዓ ኣያና ኤኪቦኮ።

13 ኮኒ ኣያናባ፡ ኣያና ኣሳታስ ኣሳ ጨንጫቴላን ገደናሺን ፆሳ ኣያናይ ኣሚያ ጨንጫቴላን ታማርሶስ። 14 ሺን ጌሻ ኣያናይ ባይና ኣሲ ፆሳ ኣያና ኣሞታታ ኤኮና። ሄሲ ኢያው ኤያቴላ፤ ኡባይ ጌሻ ኣያናን ፒልጌቴያ ጊሾ ኢ ኤራናው ዳንዳዔና። 15 ሺን ጌሻ ኣያኒ ዴዲያ ኣሲ ኡባባ ፒልጌስ፡ ሺን ኢያ ኦኒካ ፒልጌና። 16 ጌሻ ማፃፋን፡

«ሳዳ ዋዛና ኤሪይ ኦኒ?
ኢያ ዘራናው ዳንዳዔይ ኦኒ?»

ጌቴቲዲ ፃፌቲዳይሳ ሜላ። ሺን ኮስ ኪሪሰቶሳ ዋዛኒ ዴዔስ።

3

ፆሳ ኣሳንቸታ

1 ታ ኣሻቶ፡ ሂንቴ ኪሪሰቶሳን ቡሮ ዮጋኔ ኣማኖና ኣሳሉ ዴዲያ ጊሾ ታኒ ኣያናባ ሂንቴው ኦዳናው ዳንዳዒቤኤ። 2 ሂንቴ ሚኖ ካላ ማናው ዳንዳዒቤና ጊሾ ታኒ ሂንቴና ማላ ፓሃስ፤ ሃዒካ ዳንዳዒቤኤታ። 3 ሃዒካ ሂንቴ ኣማኖና ኣሳዳ ዴዔታ። ሂንቴ ገደን ዴዲያ ቃናቴይኔ ፓላማይ ሂንቴ ኣማኖና ኣሳዳ ዴዔይሳ ኤሪሴኔ? ሂንቴ ኣማኖና ኣሳዳ ሃኔታ። 4 ሂንቴፌ ኢሶይ፡ «ታኒ

ጳውሎስን» ሃራይ ቃሉ፤ «ታኒ አጲሎሳሳ» ገዢ፤ አማኖና አሳ ማላ ገደከቲ?

5 ያቲን፤ አጲሎሲ ኦኔ? ጳውሎሲ ኦኔ? ኮኒ ሂንቴና አማንሉዳ ያሳ ኦሳንቸታ። ያሳይ ኢሱዋስ ኢሱዋስ አሚዳ ኦሱዋ ማላ ኦሉያ ኦሳንቸታ ገደኮናዬ? 6 ታ ቶካሰ፤ አጲሎሲ ሃሌ ኡሺሰ፤ ሺን ዲቹይ ያሳ። 7 ሃሳ ገሾ፤ ዲቹዳ ያሳፊ ኣቲን ቶኬይካ ሃሌ ኡሺይካ አይኮካ ገደና። 8 ቶኬይኔ ሃሌ ኡሺይ ዋሊ ማላ፤ ሺን ኢሶይ ኢሶይ ባ ኦሱዋ ማላ ያሳይ አሚያ ዋይቱዋ ኤካና። 9 ኮኒ ኢሶፊ ያሳሰ ኦሉያ ኢያ ኦሳንቸታ ገዲያ ገሾ ሂንቴ ያሳ ሾቃ፤ ያሳ ኬሌ። 10 ያሳይ ታው አሚዳ አቶ ከሃቴላ ማላ ሂላንቸ አናጻዳ ባሱዋ ዬጋሰ። ሃራ ኡራይ ኢያ ቦላ ከጻሰ። ሺን ኢያ ቦላ ከጻያ ኦኒካ ዋቲዲ ከጻያኮ፤ ባው ናጌቶ። 11 ኢሲ ቶሆ ዬጌቲዳ ባሱዋ፤ ሃራ ባሶ ዬጋናው ኦኒካ ዳንዳዴና። ሄ ባሶይካ ዬሱሰ ከሪሰቶሳ። 12 ሺን ሃ ባሱዋ ቦላ ኦኒካ ዋርቃን ዋይኮ ቢራን ገዲን፤ አለያ ሹቻን ዋይኮ ማላን ገዲን፤ ማታን ዋይኮ ማቃን ከጻኮ፤ 13 ኢሲ ኢሲ አሲ ሄ ባሱዋ ቦላ አይቢን ከጻዳኮ ፒርዳ ጋላሰ ታማን ፓጩቲዲ ቆንጫና። 14 ኦኒካ ሄ ባሱዋ ቦላ ከጻዳ ከላይ ታማን ፀጌቶና ኣቲኮ፤ ባ ዋይቱዋ ኤካና። 15 ሺን ኦዴ ኦሶይካ ታማን ፀጌቲኮ፤ ሄ ኡራሰ ዋይቶይ ባዋ። ገደሺን፤ ኢ ባ ሁዔን ታማ፤ ኬሲ ኤኪዳ አሳዳ አታና።

16 ሂንቴ ያሳ ኬሌ ገደይሳኔ ያሳ አያናይ ሂንቴናን ዴዴይሳ ኤሬከቲ? 17 ኦኒካ ያሳ ኬሌ ላሊኮ፤ ያሳይካ ኢያ ላላና። ያሳ ከላይ ጌሺ፤ ሄ ከላይካ ሂንቴና።

18 ኦኒካ ባና ጨዋ። ሃ ሳዓ ጨንጫቴላን ባና ጨንጫ ኦሉዲ ኤኪያ ኦኒካ ያሳ ሲንላን ጨንጫ ገደናው ኤያ ገደ። 19 ሃ ሳዓ ጨንጫቴላይ ያሳ ሲንላን ኤያቴሌ። ጌሻ ማፃፋን፤ «ያሳይ ጨንጫታ ኤንታ ጌኔ ቆፋን ኦይኬሰ» ያጌሰ።

20 ቃሉ፤ «ጨንጫታ ቆፋይ ማደናባ ገደይሳ ጎዳይ ኤሬሰ» ያጌሰ።

21 ሃሳ ገሾ፤ ኡባይ ሂንቴሳ ገዲያ ገሾ ኦኒካ አሳን ጩቁቶ። 22 ጳውሎስ፤ አጲሎሲኔ ጳዲሮሲ፤ ሃ አላማይ፤ ዴያይ፤ ሃይቆይ፤ ሃዒ ዴዴይ፤ ሲንላፊ ያናይሲ፤ ኡባይ ሂንቴሳ። 23 ሂንቴ ከሪሰቶሳሳ፤ ከሪሰቶሲ ያሳሳ።

3:4 1ቆሮ 1:12 3:6 ሃ.ኦ 18:4-11፣ 24-28 3:16 1ቆሮ 6:19፤ 2ቆሮ 6:16 3:19 ኢዮ 5:13 3:20 ማዝ 94:11

4

ኪሪሰቶሳ ሃዋሪታ

1 እሳይ ኑና ኪሪሰቶሳ አይሌዳኔ ያሳ ፀራ ቆንጨሳናው ሃዳሪ ኢሚቲዳ አሳዳ ኦሊዲ ቆፖ። 2 ሄ ሃዳራ ኤኪዳ እሳቲ ባንታ ጎዳሰ አማኔቲዳይሳታ ገዳናው ቤሴስ። 3 ሺን ሂንቴ ወይኮ ሃራይ ታና ፒርዲኮ፣ ታው አይኮካ ገዳና። ሃራይ አቶ፣ ታካ ታ ቦላ ፒርዲኮ። 4 ታ ካሃይ ጌሺ፣ ሺን ሄሲ ታ ፖሎ ደሎ ገዳይሳ ቤሴና። ታ ቦላ ፒርዳናይ ጎዳ ያላላ። 5 ሄሳ ገሾ፣ ወዳይ ጋኮና፣ ጎዳይ ዮና ኦዴ ቦላካ ፒርዳፊቴ። ኢ ጴማን ጌሚዳባ ፖፖ ኬሴና፤ አሳ ዋዛናን ቆሴቲዳ ቆፋ ቆንጨሳና። ሄ ዋዳ ኢሶይ ኢሶይ ያሳፊ ጋላታ ኤካና።

6 ታ ኢሾቶ፣ ሂንቴ ገሾ አጲሎሳኔ ታና ለሚሶ ኦሳዳ ሂንቴው ኦዳሰ። ሄሳ ታ ኦሊዲይ፣ «ፃፊቲዳይሳፊ አጶፋ» ያገያ ዘሪያ ሂንቴ ኑፔ ታማራና ማላሳ። ሄሳ ገሾ፣ ኦኒካ ኢሱዋ ሳቢዲ ሃንኩዋ ካጳናው ቤሴና። 7 ኔ ሃራታፔ አይቢን አጳይ? ኔኒ ኤካቦናባይ አይቢ ዳዒ? ያቲን፣ ኔኒ ኤኪዳባ ሃራ አሳፔ ኤኪዳ ገዲኮ፣ ኤኪቦና አሳዳ አይሰ ጨቁታይ?

8 ሃዒ ሂንቴ ካሊዳታ። ሃዒ ሂንቴ ዲሬቲዳታ። ኑኒ ባይና ሂንቴ ያላላ ካዋቲዳታ። ሂንቴ ቱማ ካዋቲዳባ ገዲያኮ፣ ኑካ ሂንቴራ ካዋታናሺን። 9 ያሳይ ኑና ሃዋሪታ፣ ሃይቆ ፒርዳቲዳ አሳዳ አሳ ኡባፊ ኑና ጉዬ ኦሊዲ ታው ዳኔስ። ኑኒ ሃ አላሚያሰ፣ ኪታንቸታሲኔ አሳሰ ካሳባ ገዲዳ።

10 ኑኒ ኪሪሰቶሳ ገሾ ኤያ ገዲዳ፣ ሺን ሂንቴ ኪሪሰቶሳን ጨንጫታ ገዲዳታ። ኑኒ ዳቡራንቸ፣ ሺን ሂንቴ ሚኖ ገዲዳታ። ሂንቴ ቦንቼቲዳታ፣ ሺን ኑኒ ቶሽቲዳ። 11 ሃዒ ጋካናው ኑ ኮሻቶሰ፣ ሳሞቶሰ፣ ካሎቶሰ፣ ዋዴቶሰ፤ ዳና ሶ ጳዪዲ ቶይላቶሰ። 12 ኑኒ ኑ ኩሽን ኦሊ አቆሰ። ኑና አሲ ባዲያ ወዳ አንጀሰ፤ ኑና ጎዲያ ወዳ ዳንደያሰ። 13 ኑ ቦላ ኢታባ ኦዴቲያ ወዳ ሎፖ ቃላ ዛርሰ። ኑ ሃዒ ጋካናው ሃ አላሚያ ፒቶኔ ዋራ ዩጌቲያ ቡሬ ገዲዳ።

14 ታኒ ሄሳ ጎፊዳይ፣ ታ ሲቂያ ናይታዳ፣ ሂንቴና ዘራናው ያፋሲፔ አቲን ዩላያናው ገዳና። 15 ኪሪሰቶሳን ሂንቴና ዲቺያ ታይቦፔ ቦላ ገዲዳ ካሌፊይሳቲ ዳዒኮካ፣ ሂንቴው ኢሲ አጫ ዳዒሰ። ታ ሂንቴና ኪሪሰቶሰ ዩሱሳ ዋንጌላን ዩላሰ። 16 ሂዛ፣ ሂንቴ ታና ለሚሶ ኦሊዲ ካላና ማላ ሂንቴና ዋሳይሰ። 17 ሄሳ ገሾ፣ አማኔቲዳ፣ ታ ሲቂያ፣ ጎዳን ታ ናዒ፣ ደሞቲዮሳ ሂንቴኮ ኪታሰ።

ኢ ዲማ ዲማ ቤሳን ዳዒያ ዋሳ ኬላን ታ ታማርሲዳ፣ ኪሪሰቶሳ ዩሱሳን ዳዒያ ታ ኦጊያ ሂንቴና ሃሳዬሳና።

18 ታኒ ሂንቴኮ ጥናባ ዳኒን፣ ኦቶሪያ ኢሲ ኢሲ አሳቲ ዳዖሶና።

19 ሺን ጎዳይ ጊኮ፣ ማታ ዋዴ ታኒ ሂንቴኮ ባና። ሄ ዋዴ ኦቶራንቸታ

ኦዳ ፃላላ ጊደናሺን ኤንታ ዋልቃካ ኤራና። 20 ዖሳ ካዎቴላይ ኦዳ

ጊደናሺን ዋልቃ። 21 ታኒ ሂንቴኮ ፃምዓራ ቦዬ ዋይኮ ሲቆራኔ

አሽኬ ኣያናራ ቦ? ኣዉሳ ዶሬቲ?

5

አማኒያ አሳ ጊደን ዳዒያ ዩላያ ኦሶ

1 ሂንቴ ጊደን ላይማቴሌ ዳዒይሲ ዚጊሬቴሰ። ሄሳ ማላ

ላይማቴሌ ሃሪ አቶሺን፣ አማኖና አሳይካ ኦሶኮና። ሂንቴ ጊደን

ባ አዋ ማቸራ ቱኒዳ አሲ ዳዒሰ። 2 ሄሳን ሂንቴ ቁርታናዉኔ

ዩላታናው ቤሴኔ፣ ሺን ኦቶርቲዳታ። ሄሳ ማላ ቦርሶባ ኦሌዳ

ኡራ ሂንቴ ጊደፌ ኬሳናው ቤሴኔ?

3 ታኒ አሾን ሂንቴራ ደና ኢዲኮካ ኣያናን ታ ሂንቴራ ዳዒይሰ።

ታኒ ሂንቴራ ዳዒያ አሳዳ ሃናዳ ሄሳ ማላ ኦሶጥ ኦሌዳ ኡራ ቦላ

ፒርዳሰ። 4 ኑ ጎዳ ዩሱሰ ኪሪሰቶሳ ሱንላን ሂንቴ ሺቂያ ዋዴ

ታኒ ኣያናን ሂንቴራ ዳና። ሄሳን ጎዳ ዩሱሰ ኪሪሰቶሳ ዋልቃይ

ሂንቴራ ጊደና። 5 ሄ ኡራ ናጋራ አሾይ * ቆዩዳ፣ ኢያ ኣያናይ ጎዳ

ዩሱሳ ፒርዳ ጋላሳን ኣታና ማላ ኢ ፃላሄሰ ኣጂ ኢማቶ።

6 ሂንቴ ጨቆይ ሎዖ ጊደና። ጉላ ኢርሾይ ሙኑቃ ኡባ

ዳንሌይሳ ኤሬኬቲዬ? 7 ሂንቴ ሃዒ ኢርሾይ ባይና ሙኑቃ ጊደና

ማላ፣ ናጋራ ኢርሹጥ ሂንቴፌ ኬሲቴ። ኦሰ ፓሲካ ዶርሳ ጊዲዳ

ኪሪሰቶሲ ያርሼቲሰ። 8 ሄሳ ጊሾ፣ ጌኔይኔ ኢታቴሌ ዳዒያ

ኢርሹጥራ ጊደናሺን ቱማቴሌኔ ጌሻቴሌ ዳዒያ ኡይላራ ኑ ባሊያ

ቦንቸሰ።

9 ታ ካሴ ፃፊዳ ዳብዳቢያን ሂንቴ ላይማቴያ አሳራ ጋሄቶና

ማላ ሂንቴው ኦዳሰ። 10 ሄሳ ጉሳይ ሃ ኣላሚያን ዳዒያ

ላይማቴይሳታራ ዋይኮ ኡዜታራ ዋይኮ ካይሶታራ ዋይኮ ኤቃ

ጎይኔይሳታራ ፖሎ ጋሄቶፊቴ ጉሱ ጊደና። ሄሳ ጊዲኮ፣ ሃ

ኣላሚያፔ ሂንቴ ኬያናው ቤሴሰ ሺን ኣቲሰ። 11 ሺን ኣማናይሰ

ያጊሼ ላይማቴይሳታራ ዋይኮ ኡዜታራ ዋይኮ ኤቃ ጎይኔይሳታራ

5:1 ዛሬ 22:30 * 5:5 ናጋራ አሾይ፣ ናጋራ ማዳይ ዋይኮ ናጋራ አሳቴላይ።

5:6 ጋላ 5:9 5:7 ኬሳ 12:5 5:8 ኬሳ 13:7፤ ዛሬ 16:3

ዎይኮ ጫዬይሳታራ ዎይኮ ማሉቲይሳታራ ዎይኮ ካይሶታራ ጋሄቶፊቲ ጋዳ ሂንቲው ኦዳይሰ። ሄሳ ማላ አሳራ ሃሪ አቶሺን፣ ካሊካ ሞፒቲ።

12 ዎሳ ከላፌ ካሬራ ዴዔይሳታ ቦላ ፐርዳናው ታና አይቤ ጋላይ? ዎሳ ከላን ዴዔይሳታ ቦላ ሂንቲ ፐርዳኬቲዬ? 13 ሺን ካሬራ ዴዔይሳታ ቦላ ያሳይ ፐርዳና። ሄ ኢታባ ኦሊያ ኡራ ሂንቲ ጊዶፌ ከሲቲ።

6

አማኒያ አሳ ጊዶን ዴዔያ ሞቶ

1 ሂንቲ ጊዶፌ ኢሶይ ኢሱዋራ ሞቶይ ዴዔኮ፣ ሄሳ አማኒያ አሳ ሲንላን ፐርዳታናይሳ አጊዲ አማኖና አሳ ሲንላን ፐርዳታናው ዋኒዲ ቢ? 2 ጌሻቲ አላሚያ ቦላ ፐርዳናይሳ ሂንቲ ኤሬኬቲ? ያቲን፣ ሂንቲ አላሚያ ቦላ ፐርዲያባ ጊዲኮ፣ ሃይሳ ማላ ጉላባ ፐርዳናው ዋኒዲ ዳንዳዔኬቲ? 3 ኳ ከታንቸታ ቦላ ፐርዳናይሳ ኤሬኬቲ? ያቲን፣ ሃ ሳባ ዲሳባ ቦላ ፐርዳናይሲ ሂንቲና ዋኒዲ ያኒ? 4 ያቲን፣ ሄሳ ማላ ማቶይ ሂንቲ ጊዶን ማጴቲኮ፣ ዎሳ ከላ አይፊን ካጴቲዳ አሳ ሲንላን ፐርዳታናው ሞቲ ኤፊቲ? 5 ታኒ ሂንቲና ዬላያናው ሄሳ ጋይሰ። ሂንቲ ጊዶን ካጩቲዳ አሳታ ሲጌላናው ዳንዳዔያ አኬካ አሲ ባዌ? 6 ያቲን፣ ኢሲ አማኔይሲ ሃንኮ አማኔይሳ ፐርዳ ከላን አማኖና አሳ ሲንላን ሞታናው ቤሲ?

7 ሃዛ፣ ሂንቲ ኢሶይ ኢሱዋ ሞቲያባ ጊዲኮ ሄሲ ሂንቲ ኩንዴላ ቤሴሰ። ሄሳፌ ሂንቲ ቆሃቲኮኔ ጨሚቲኮ ከሄኔ? 8 ሺን ሂንቲ ዎሊ ጊዶን አማኔይሳቲ ኢሶይ ኢሱዋ ቆሃታኔ ጨሚታ።

9 ጌላቲ ያሳ ካዎቲላ ላቶናይሳ ሂንቲ ኤሬኬቲ? ሂንቲና ጨሞፊቲ፣ ላይማቲይሳቲ ዎይኮ ኤቃ ጎይኔይሳቲ ዎይኮ ቃይዔይሳቲ ዎይኮ አዴራ አዴራ ጋሄቲይሳቲ፣ 10 ዎይኮ ካይሶቲ ዎይኮ ኡዜቲ ዎይኮ ማሉቲይሳቲ ዎይኮ ጫዬይሳቲ ዎይኮ ቦንቄይሳቲ ያሳ ካዎቲላ ላቶኮና። 11 ሂንቲፌ ኢሲ ኢሲ አሳቲ ካሴ ሄሳ ማላ። ሺን ሂንቲ ሃሲ ጎዳ ዬሱሰ ከሪሰቶሳ ሱንላኒኔ ያሳ አያናን ማጩቲዳታ፣ ጌዪዳታ፣ ዒሊዳታ።

ሂንቲ አሳቲላን ያሳ ቦንቸቲ

12 ሂንቲ፣ «ኑ ኮዪዳባ ኦላናው ዳንዳዎሰ» ያጌታ። ሺን ኡባይ ሂንቲና ማዴና። ታኒ ኮዪዳባ ኡባ ኦላናው ዳንዳዎይሰ፣ ሺን አይቢካ ታና ሃሪና። 13 ሂንቲ፣ «ካሊ ኡሎሳ፣ ኡሎይካ ካላሳ»

ያጌታ። ሺን ያሳይ ኡሉዋካ ካላካ ቆይሳናይሳ ታ ሂንቴው ኦዲይሰ። ኑ አሳቴላይ ጎዳሳፌ ኣቲን ላይማቴላሳ ጊዳና። ጎዳይካ ኑ አሳቴላሳ። 14 ያሳይ ጎዳ ሃይቆፔ ዴንሴዲይሳዳ፣ ኑናካ ሃይቆፔ ባ ዎልቃን ዴንሳና።

15 ሂንቴ አሳቴላይ ኪሪሰቶሳ አሳቴላፌ ባጋ ጊዳይሳ ኤሬኬቴ? ያቴን፣ ታኒ ኪሪሰቶሳ አሳቴላፌ ባጋ ኤፋዳ ላይማቴላ አሳቴላ ጊዳና ማላ ኦሎ? ሃኔና! 16 ላይማቴያ ኡራይ ኢ ጋሂቴያ አሴራ ኢሲ አሳቴላ ጊዳይሳ ኤሬኬቴ? ጌሻ ማፃፋን፣ «ኤንቴ ናምዓይ ኢሲ አሳቴላ ጊዳና» ጌቴቴዲ ፃፊቴሰ። 17 ሺን ጎዳራ ኢሲፊያ ኡራይ ኢያራ አያናን ኢሶ ጊዳሰ።

18 ላይማቴላፌ ሃኪቴ። ኢሲ ኡራይ ኦሊያ ሃራ ናጋራይ ኢያ አሳቴላፌ ካሬራ ኦሴቴሰ፣ ሺን ላይማቴያ አሲ ባ አሳቴላ ቦላ ናጋራ ኦሎሰ። 19 ሂንቴ አሳቴላይ ያሳይ ሂንቴው ኢሚዳ ሂንቴናን ዴዒያ ጌሻ አያና ኬላ ጊዳይሳ ኤሬኬቴ? ሂንቴ ሂንቴባ ጊዳኬታ። 20 ያሳይ ሂንቴና ጋቴን ሻሚሰ። ሄሳ ጊሾ፣ ሂንቴ አሳቴላን ያሳ ቦንቺቴ።

7

ኤኮ ጌሎባ

1 ሂንቴ ታው ፃፊዳ ዳብዳቢያሰ ዛርይ ሃይሳ። ኢሲ አሲ ማቸና ዴዒኮ ሎዎ? 2 ሺን ላይማቴላፌ አታናው ኢሲ ኢሲ አዴይ ማቸ ኤኮ፣ ቃሲ ኢሲ ኢሲ ማጫሳሰ አዚኒ ዴዎ።

3 አዚናይ ባ ማቸሰ፣ ቃሲ ማቸያ ባ አዚናሰ ቤሲያባ ኩንሉ።

4 ማቸሰ ባ አሳቴላ ቦላ ኢው ማቲ ባዎ፣ ሺን ማታይ ኢ አዚናሳ።

5 ሄሳዳካ፣ አዚናሰ ኢያ አሳቴላ ቦላ ማቲ ባዎ፣ ሺን ማታይ ማቸሳ።

6 ሂንቴ ዎሳን ጉላ ዎዴ ጋምዓናው ዘሬቴላን ጊዳና ኢጂኮ፣ ኢሶይ ኢሱዋ ዲጎፊቴ። ሄሳ ጋሶን ሂንቴናቴላ ሃራናው ያኔቴን፣ ፃላሄይ ሂንቴና ፓጮና ማላ ኢሲፌ ዴዒቴ።

7 ሺን ታኒ ሂንቴና ዘራናው ሃይሳ ጋይሲፔ ኣቲን ኪታ ጊዳና።

8 አሲ ኡባይ ታዳ ማቸ ኤኮና ዴዒያኮ ደሳይሰ፣ ሺን ያሳይ ኢሱዋሰ ኢሱዋሰ ኢሚዳ ዴማ ኢሞቲ ዴዒሰ።

9 ኢሱዋሰ ሃይሳ ማላ ሃንኩዋሰ ሄሳ ማላ ኢሞቲ ዴዒሰ።

10 ማቸ ኤኪቦናይሳታሲኔ አዚና ጌሊቦናይሳታሰ ቃሲ አምዔታሰ ታኒ ጌይ፣ ታዳ ኤኮና ዎይኮ ጌሎና ዴዒቴ ጋዳ ዘራይሰ።

11 ሺን

አምን ፀጌቲይሳፌ ኤኬይሰኔ ጌሌይሰ ሎዎ ጊዲያ ጊሾ ኤንቲ ባንታና ሃራናው ዲንዳዎና ኢዲኮ፡ ኤኮኔ ጌሎ።

10 ታኒ ኤከዳይሳታኔ ጌሊዳይሳታ ሃይሳዳ ጋዳ ዘራይሰ፤ ታና ጊዲኬ ጎዳይ ከቲሰ፤ ማቺያ ባ አዚናፔ ሻኬቶፎ። 11 ሺን ሻኬቲኮ ሃራ አዚና ጌሎና ባርካ ዴዎ ዎይኮ ባ አዚናራ ገሳ። አዚናይ ባ ማቺው ቢሎፎ።

12 ሺን ሃራታሰ ጎዳ ጊደናሺን ታኒ ሃይሳዳ ጋይሰ። አማኖና ማቻ ዴዲያ አማኒያ አዚኒ ዴዲኮ፡ ኢያ ማቺያ ኢያራ ኢሲፌ ዳናው ኮይኮ ኢዮ ቢሎፎ። 13 ቃሲ አማኖና አዚኒ ዴዲያ አማኒያ ማቻ ዴዲኮ፡ ኢ አዚናይ ኢራ ኢሲፌ ዳናው ኮይኮ ኢያፔ ቢሎቶፎ።

14 አማኖና አዚናይ ባ አማኒያ ማቺ ባጋራ ጌዬሰ፤ ቃሲ አማኖና ማቺያ ባ አማኒያ አዚና ባጋራ ጌያዉሰ። ሄሲ ባይኔኮ፡ ሂንቲ ናይቲ ቱና ጊደሶና፡ ሺን ሃዲ ኤንቲ ጌሺ። 15 ሺን አማኖና አዚናይ ዎይኮ ማቺያ ቢላናው ኮይኮ ቢሎ። አማኒያ ማቺያ ዎይኮ አዚናይ ሄሳ ሜላባን ቃሺቶኮና። ያሳይ ኑና ሳሮቲላን ዳና ሜላ ያገሰ።

16 አማኒያ ማቺቲ፡ ኔኒ አማኖና ኔ አዚና አሻኔኮ አይ ኤራይ? ዎይኮ አማኒያ አዚናው፡ ኔኒ አማኖና ኔ ማቺው አሻኔኮ አይ ኤራይ?

ያሳይ ሂንቲና ያገዳይሳዳ ዴዲቲ

17 ኢሲ ኢሲ አሲ ጎዳይ ኢያው ኢሚዳ ኢሞታዲኔ ያሳይ ኢያ ያገዳይሳዳ ዴዎ። ዎሳ ኬላ ኡባን ታኒ ታማርሲዳ ዎጋይ ሃይሳ።

18 ኢኒካ ቃፃሬቲዲ አማኒዳባ ጊዲኮ፡ ቃፃሬቶናዳ ሃኖፖ። ቃፃሬቶና አማኒዳ ኢኒካ ዴዲኮ፡ ቃፃሬታናው ኮዮፖ። 19 ያሳ ከታ ፖላናው ቤሴሰፔ ኣቲን ቃፃሬቲን ቃፃሬቶና ኣገን አይኮካ ማዴና።

20 ኢሲ ኢሲ አሲ ያሳይ ባና ያገያ ዎዴ ዴዴይሳዳ ዴዎ። 21 ያሳይ ኔና ያገያ ዎዴ ኔኒ አይሌ? አይኮይ ባዎ ሄሳሰ ኡንዴቶፋ። ሺን ኔኒ አይሌቲላፌ ላዓ ኬያናው ዳንዳዒኮ ዬዳ ኬያ።

22 አይሌ ጊዲ ዴዲሼ ጎዳን ያጌቲዳ አሲ ጎዳን አይሌቲላፌ ላዓ ኬዩሰ። ሄሳዳካ፡ አይሌ ጊደና ዴዲሼ፡ ጎዳን ያጌቲዳ አሲ ከሪሰቶሳ አይሌ። 23 ያሳይ ሂንቲና ጋቲን ሻሚዳ ጊሾ አሳ አይሌ ጊደፔፔ።

24 ታ አሻቶ፡ ሂንቲ ኢሶይ ኢሶይ ያጌቲያ ዎዴ ዴዲያ ዴዑዎን ያሳራ ኢሲፌ ዴዲቲ።

ኤኪቦና፡ ጌሊቦና ኣሳባኔ አምዴታባ

25 ጌላዎታባ ጎዳይ ታና ከቲዳባይ ባዋ። ሺን ጎዳይ ታው ኢሚዳ ማሮቴፋ ማላ ታኒ ሂንቴና ዞራይስ። 26 ሂዛ፣ ሃዒ ማቴዎ ጊሾ ኤኮና ዎይኮ ጌሎና ዱሲ ታው ሎዎ ዳኔስ። 27 ኔ ማቾ ኤኪዳባ ጊዲኮ፣ ቢላናው ኮዮፓ። ኔ ማቾ ኤካቦናባ ጊዲኮ፣ ኤካናው ኮዮፓ። 28 ሺን ኔ ማቾ ኤኪኮ ናጋሪ ባዋ። ሂሳዳ ጌላዒያካ አዚና ጌሊኮ ናጋሪ ባዋ። ሺን ኤኪያ ጌሊያ አሳስ ሃ ሳባን ዳሮ ማቶይ ዴዒያ ጊሾ ሂንቴ ሄሳፌ አታና ማላ ታ ኮያይስ።

29 ታ አሻቶ፣ ታ ጌይ ሄሳ፤ ዎይይ ወሪስ። ሂዛፔ ሲንፉ ማቻ ዴዒይሲ ማቾ ኤኮናይሳዳ ዴዎ። 30 ዩኤይሳቲ ዩኮናዳ፣ ኡፋይቴይሳቲ ኡፋይቶናዳ፣ ቫሚይሳቲ አይኮይካ ባይናዳ ባንታና ታይቦ። 31 ሃ ሳባ ቫሎዎን ማዴቴይሳቲ ማዴቲቦናዳ ሃና። ሃ አላሚያ ማላይ አፋና።

32 ሂንቴ ሂርጊ ባይና ዳና ማላ ታ ደሳይስ። ማቾ ኤኪቦናይሲ ጎዳ ኡፋይሳናው ኮያ ጊሾ ጎዳባ ቆፔስ። 33 ሺን ማቾ ኤኪዳይሲ ባ ማቾው ኡፋይሳናው ኮያ ጊሾ ሃ ሳባባ ቆፔስ። 34 ኢያ ቆፋይ ናምባን ቫኬቴስ። አዚና ጌላቦና ጌላዒያ ባ አሳቲላኒኔ ባ ሽምዎዎን ጌያዳ ጎዳ ኡፋይሳናው ኮያ ጊሾ ጎዳባ ቆፓዉሱ። ሺን አዚና ጌሊዳራ ባ አዚና ኡፋይሳናው ኮያ ጊሾ ሳባባ ቆፓዉሱ።

35 ታኒ ሄሳ ሂንቴው ኦይይ፣ ሂንቴ ማዴታና ማላሳፌ አቲን ሂንቴና ኡንዔላናው ጊዴና። ሺን ሂንቴ ቆፋይ ቫኬቶና ማራን ዴዒዲ ጎዳ ኡፋይሲያባ ሂንቴ ኦላና ማላ ታኒ ኦዳይስ።

36 ኦኒካ ባ ኦይቹዳ ጌላዒስ ጌሎ ዎይይ አጲስ ጊዲ ኢዮ አጋናው ቆፒኮ፣ ሂሲ ቃሲ ኢው ሎዎ ጊደናይሲ ኢያው ሲዔቲኮ፣ ባ ኮዩዳይሳ አላ፤ ኤንቲ ኤኬቶ፣ ጌሌቶ፤ ሄሳን ናጋሪ ባዋ። 37 ሺን ኢሲ አሲ ኡንዔሊያባይ ቆዩን፣ ባ ዎዛናን ሚኒዲ፣ ባና ሃሪዲ፣ ባ ኦይቹዳ ጌላዒው ኤኮና አጋናው ኮይኮ ሎይሊስ። 38 ሄሳ ጊሾ፣ ጌላዒው ኤኪያ ኡራይ ሎይሊስ፤ ቃሲ ኤኮና ኡራይ ዳሮ ሎይሊስ።

39 ማቹያ ባ አዚናይ ፓፃ ዴዒያ ዎይ ኡባን ኢያራ ቃሼታሱ። ሺን ኢ አዚናይ ሃይቂኮ፣ ባ ደሲዳ አዚና ጌላናው ዳንዳባዉሱ። ጊደሺን፣ ኢያ ጌሊያ አይይ አማኒያ አሲ ጊዳናው ቤሴስ። 40 ታ ቆፋን ጊዲኮ፣ ኢያ ጌሎና ዴዒኮ ኡፋይሳን ዳና። ቃሲ ታው፣ ታ ቦላ ዎሳ አያኒ ዴዒያ ዳኔስ።

8

ኤቃስ ያርሼቲዳ ካፋባ

1 ኤቃስ ያርሼቲያ ካፋባ ጊዲኮ ኑ ኡባይ ኤርሰ። ኤራቴሌ ኦቶርሴስ፣ ሺን ሲቆይ ዲቼሰ። 2 ኦኒካ ባና ኤራይሰ ጊዲ ቆፐኮ፣ ኢ ቡሮ ኤራናው ቤሴይሳ ኤሪቤና። 3 ሺን ኦኒካ ያሳ ሲቂኮ ኢ ያሳ ማታን ኤራቲዳይሳ።

4 ሃሳ ጊሾ፣ ኤቃስ ያርሼቲዳ ካሌ ሙሳባ ጊዲኮ ሃ አላሚያን ጎዲ ኢሲ ያሳፌ አቲን ሃሪ ባይና ጊሾ ኤቁ ፓላናባ ጊዳይሳ ኦኒ ኤርሰ። 5 ያሴ ጊዳናሺን ሳሎኒኔ ሳዓን ያሴ ጌቲቲ ጭቲያ ዳሮ ያሳቲኔ ጎዳቲ ዳዒኮካ፣ 6 ኡባባ ሜቂዳ፣ ኑ ኢያባ ጊዲዳ፣ ኢሲ ያሳይ፣ አዋይ፣ ኑስ ዳዔስ። ኡባይ ኢያ ባጋራ ሜቆቲዳ፣ ኑካ ኢያ ባጋራ ዳዎ ዳሚዳ ኢሲ ጎዳይ፣ ዬሱስ ኪሪሰቶሲ ኑስ ዳዔስ።

7 ሺን ሃይሳ ኤሬይ ኡባ ጊዳና። ኢሲ ኢሲ አሳይ ኤቃ ጎይኖራ ሜዜቲዳ ጊሾ ካሌ ሚያ ዋዴ ኤቃስ ያርሼቲዳባ ኦሌዲ ኤኮሶና። ሄ ዋዴ ኤንታ ካሃይ ዳቡራ ጊዲያ ጊሾ ቱኔስ። 8 ሺን ካሌ ኦና ያሳራ ዳቦዩና። ኑ ሞና አጊዲ አይኮካ ቆሄቶኮ፤ ቃሲ ሚዲ ዲማ ጎዔቶኮ።

9 ሺን ሂንቴ ኮዪዳባ ማናው ላዓቲሌ ሂንቴው ዳዒኮካ ሄሲ አማኖን ሚኖናይሳታ ቆቦና ሜላ ናጌቲቲ። 10 ኦኒ ኔና ኤራንቶ ጋዳ ኤቃስ ያርሼቲዳ ካሌ ማናው ኤቃ ኩላን ኡቲዳሺን፣ አማኖን ሚኖናይሲ ኔና ቤዒኮ ሄሲ ኢያ ኤቃስ ያርሼቲዳ ካሌ ማና ሜላ ዳንሌሌኔዬ? 11 ሂዛ፣ ኔ ኤራቴላ ጋሶን ኪሪሰቶሲ ኢያ ጊሾ ሃይቁዳ፣ አማኖን ሚኖና ኔ አሻይ፣ ቆይስ። 12 ሃሳዳ ኦሌዲ፣ አማኖን ሚኖና ሂንቴ አሻታ ቆሂሼኔ ኤንታ ካሃ ማዲንዲሲሼ ኪሪሰቶሳ ቆሄታ። 13 ሃሳ ጊሾ፣ ካሌ ታ አሻ ቆቢያባ ጊዲኮ፣ ኢ ቆቤቶና ሜላ አሾ ኡባራካ ሚኬ።

9

ሃዋሬታ ማታ

1 ታኒ ዬዳ ዳዒያ አሲ ጊዲኪና? ታ ሃዋሬ ጊዲኪና? ታኒ ኑ ጎዳ ዬሱስ ኪሪሰቶሳ ቤዓቢኪና? ሂንቴ ጎዳን ታ ዳቡራ አይፌ ጊዳኬቲ? 2 ሂንቴ ጎዳባ ጊዲያ ጊሾ ታ ሃራታስ ሃዋሬ ጊዳና ኢዲኮካ፣ ሂንቴው ሃዋሬ ጊዳይሳሰ ሂንቴ ማርካ።

3 ታና ሃዋሬ ጊዳና ጌይሳታሰ ታ አሚያ ዛርይ ሃይሳ። 4 ኑ ሂንቴፌ ማናውኔ ኡያናው ቱማ ኑስ ማቲ ባቁ? 5 ሃንኮ ሃዋሬታዳ፣ ጎዳ አሻታዳኔ ጳጳርሳዳ፣ አማኒያ ኑ ማቼታ ኤኪ ሃሙታናው ኑስ

ማቲ ባዌ? 6 ዋይኮ ኦሊዲ ማናው ቤሴይ ታራኔ ባርናባሳ ሃላሌ? 7 ባ ሚሽን ዋታዳሬታሊ ኦሊይ ኦኔ? ዋይኮ ዋይኔ ቶኪዲ፣ ኢያፔ ኣይፌ ሞናይ ኦኔ? ዋይኮ ዉዴ ሄሚሼ፣ ሄ ዉዲያፔ ማሊ ኡዮናይ ኦኔ?

8 ታኒ ሄሳ ኣሳ ቆፋሉ ጋይናዬ? ሂጌይ ሄሳ ጌኔ? 9 ሙሴ ሂጊያን፣ «ዉዲማን ካሳ ዬዲያ ቦራ ደና ቃቸፋ» ጌቲቲዲ ሃፊቲሰ። ያቲን ያሳይ ሄሳ ቦራሰ ቆፒዲ ጊዴ? 10 ያሳይ ሄሳ ጊዳይ ኮሰ ቆፒዲ ጊዴኔ? ኤ ኮ ጊሾሳ። ጎዬይሲካ፣ ካሳ ጌሼይሲካ ባና ጋኬይሳ ኤካና ጊዲ ኡፋይሳን ኦላናው ቤሴሰ ጌቲቲዲ ቱማ ኮ ጊሾ ሃፊቲሰ። 11 ኦኒ ሂንቴ ጊደን ኣያና ዜሬሊ ዜሬዳ ጊዲኮ ኣሾሰ ኮሺያባ ኮ ሂንቴፊ ኤኪኮ፣ ሄሲ ጊታባዬ? 12 ሃራቲ ሄሳ ሂንቴፊ ኤካናው ኤንታው ማቲ ዴዒኮ፣ ኮሰ ኤንታይሳፊ ኣዲያ ማቲ ዴዒሰ።

ሺን ኦኒ ኪሪሰቶሳ ዋንጌላሰ ቆቤ ጊደና ማላ፣ ኡባ ጌንጮሲፔ ኣቲን ሄ ማታን ጎዔቲቦኮ። 13 ያሳ ኬላን ኦሊያ ኣሳቲ ባንታ ካሳ ያሳ ኬላፊ ኤኬይሳ ኤሬኬቲ? ቃሲ ያርሾ ቤሳን ኦሊይሳቲ ያርሹዋፊ ኤኬይሳ ኤሬኬቲ? 14 ሄሳዳካ፣ ዋንጌላ ማርካቴይሳቲ ዲሳሰ ኮሺያባ ዋንጌላፔ ኤካና ማላ ጎዳይ ኪቲሰ።

15 ሺን ታኒ ሃ ማታ ኡባን ኣይኮካ ጎዔታቢኬ። ታኒ ሃይሳ ሃፊዳይ ታ ማታ ቦንቸሳናው ኮያዳ ጊዴና። ኦኒካ ታ ጩቁዋ ሃዳ ኦላናፔ ሃይቆይ ታው ሎዖ። 16 ታኒ ዋንጌላ ኦዴይ ኪቲቲዳ ጊሾሳፊ ኣቲን ታና ጩቁሲያባ ጊዴና። ዋንጌላ ኦደና ኢዲኮ፣ ታና ኣዬ። 17 ታኒ ዋንጌላ ደሳዳ ሳባኪኮ ታው ዋይቶይ ዴዒሰ። ሺን ታኒ ዋንጌላ ደሶና ኪቲታዳ ሳባኪያባ ጊዲኮ ሄሳ ያሳይ ታው ሃዳራ ኢሚሰ። 18 ያቲን፣ ታ ዋይቶይ ኣይቤ? ታኒ ዋንጌላ ሳባኪያ ዋዴ ታ ማታን ጎዔቶና ዋንጌላ ጮ ሳባኬይሲ ታው ዋይቶ።

19 ታኒ ኦዴሰካ ኣይሌ ጊዲኬ፣ ሺን ዳርታ ኣሻናው ኡባሰ ኣይሌ ጊዳሰ። 20 ታኒ ኣይሁዴታ ኣሻናው ኤንታራ ኤንታ ጊዳሰ። ታ ሁዔን ሂጌፊ ጋርሳን ዴዒኬ፣ ሺን ሂጌፊ ጋርሳን ዴዒይሳታ ኣሻናው ሂጌፊ ጋርሳን ዴዒያ ኣሲ ጊዳሰ። 21 ያሳ ሂጊያፊ ካሬ ኬዮና፣ ኪሪሰቶሳ ሂጊያሰ ኪቲታሼ፣ ሂጌይ ባይናይሳታ ኣሻናው ሂጌይ ባይና ኣሳዳ ጊዳሰ። 22 ታኒ ዳቡራንቸታ ኣሻናው ዳቡራንቸ

9:9 ዛሬ 25:4፤ 19ዋ 5:18 9:11 ሮሜ 15:27 9:14 ማቶ 10:10፤ ሉቃ 10:7

ጊዳስ። ታኒ ጉዳታ አሻናው ኡባራ ኡባ ሃናስ። 23 ታኒ ዋንጌላ አንጂዋ ሻኬታናው፣ ሃ ኡባ ዋንጌላ ጊሾ ሃናስ።

24 ዋላን ጋዴቲያ ኡባይ ዋዳስ። ሺን ኢሱዋ ዓላሊ ዋይቶ ኤኬይሳ ኤሪኬቲ? ሄሳዳ ሂንቴካ ዋይቱዋ ኤካናው ዋዳቲ። 25 ጋዴቲያ አሳ ኡባይ ኡባባን ባንታና ሃሪስ። ኤንቲ ሄሳ ዳቡሪይ ዳያ ካላቻ ዋይቶ ኤካናሳ። ሺን ኩኒ ዳቡሪይ ሜሪና ካላቻ ዋይቱዋ ኤካናሳ። 26 ሄሳ ጊሾ፣ ታኒ ቆፊ ባይና አሳዳ ዋዳኬ። ጫርኮ ዩምፒያ አሳዳ ጮ ኩሼ ዩዲኬ። 27 ሺን ታኒ ሃራታስ ዋንጌላ ሳባኪዳፔ ጉዬ ታ ሁዔን ዩጌቲዳ አሲ ጊደና ሜላ ታ አሳቴላ ዋልቃን ሃራዳ ታው ኪቴታና ሜላ አሳይስ።

10

ኤቃ ጎይናፊቲ

1 ታ ኢሻቶ፣ ታኒ ሂንቴ ሃይሳ አኬካና ሜላ ኮያይስ። ኑ አዋቲ ኡባይ ሻራፔ ጋርሳራ ሃሙቲደሶና፤ ኡባይ አባ ፒኒደሶና።

2 ኤንቲ ሙሴራ ኢሲፋናው ሻራኒኔ አባን ግማቄቲደሶና። 3 ኤንቲ ኡባይ ኢሲ አያና ካላ ሚደሶና። 4 ቃሲ ኡባይ ኢሲ አያና ኡሻ ኡዪደሶና። ኤንቲ ባንታና ካሊያ አያና ዛላፌ ፑልቲዳ ኡሻ ኡዪደሶና፤ ሄ ዛላይካ ኪሪስቶሳ። 5 ሺን ያሳይ ኤንታፌ ዳርታን ኡፋይቲሶና ጊሾ ኤንታ አሃይ ባዙ ቢታን ዋዲዲ አቲስ።

6 ኤንቲ ኢታባ አሞቲዳይሳዳ፣ ኑካ ኢታባ አሞቶና ሜላ ሄሲ ኡባይ ኑስ ለሚሶ ጊዲስ። 7 ጌሻ ማፃፋን፣ «አሳይ ማናውኔ ኡያናው ኡቲደሶና፤ ቃሲ ዩፃናው ዴንዲደሶና» ጌቲቲዳይሳዳ ኤንታፌ ኢሶቲ ኢሶቲ ኤቃ ጎይኒዳይሳ ሜላ ሂንቴ ኤቃ ጎይናፊቲ።

8 ኤንታፌ ኢሶቲ ኢሶቲ ላይማቲዳይሳዳ ኑ ላይማታናው ቤሴና። ሄሳ ጋሶን ኤንታፌ ኢሲ ጋላስ ላታማኔ ሄሹ ሙኩሉ አሲ ሃይቂስ። 9 ኤንታፌ ኢሶቲ ኢሶቲ ጎዳ ፓጪዲ ሾሻን ዲኬቲዲ ሃይቂዳይሳዳ ኑ ጎዳ ፓጫናው ቤሴና። 10 ኤንታፌ ኢሶቲ ኢሶቲ ዙተሚዲ ሃይቆ ኤሂያ ኪታንቹዋን ዳዩዳይሳዳ ሂንቴካ ዙተሞፊቲ።

10:1 ኬሳ 13:21-22፤ 14:22-29 10:3 ኬሳ 16:35 10:4 ኬሳ 17:6፤ ታይ 20:11 10:5 ታይ 14:29-30 10:6 ታይ 11:4 10:7 ኬሳ 32:6
10:8 ታይ 25:1-18 10:9 ታይ 21:5-6 10:10 ታይ 16:41-49

11 ሃ ኤንታ ቦላ ጋኪዳ ኡባይ ኑ ናጌታና ማላ ኑስ ለሚሶ ጊዲስ። ቃሲ ዋዴ ወርሴላ ቦላ ዴዲያ ኑስ ቲሚርቲ ጊዳና ማላ ሃ ኡባይ ፃፊተሰ።

12 ሄሳ ጊሾ፣ ታ ኤቃሰ ጊያ ኦኒካ ኩንደና ማላ ባና ናጎ።

13 ኦሴ ኡባ ጋኪያ ፓጩፕ ኣቲን ዲማ ፓጩይ ሂንቲና ጋኪቤና። ሂንቲ ዋልቃይ ዳንዳዔይሳፊ ኣጂያ ፓጩን ሂንቲ ፓጩቶና ማላ ኣሊ ኣሞና ያሳይ ኣማኔቲዳይሳ። ሂንቲና ፓጩይ ጋኪያ ዋዴ ሄ ፓጩያ ኢ ሂንቲና ዳንዳዒሳና። ቃሲ ሄ ፓጩያፕ ሂንቲ ኬያና ኦጊያ ኢ ጊሊሳና።

14 ሂዛ፣ ታ ኣልዎ ኣሻቶ፣ ኤቃ ጎይናፊ ሃኪቲ። 15 ሂንቲ ዋዛናማ ኣሲ ጊዲዳ ጊሾ ታ ሃይሳ ኦዳይሰ። ታኒ ጌይሲ ቱማ ጊዳይሳ ሂንቲ ሂንቲ ሁዔን ፒርዲቲ። 16 ኩኒ ያሳ ጋላቲዲ ሻኬቲያ ኣንጅ ፀዓይ ኪሪሰቶሳ ሱሓራ ኢሲፊቴሉ ዴዔይሳ ጊዳይኤ? ቃሲ ኩኒ ባሊያ ኡይላይ ኪሪሰቶሳ ኣሹዋራ ኢሲፊቴሉ ዴዔይሳ ጊዳይኤ?

17 ኩኒ ዳር ጊዲኮካ ኡይላይ ኢሲኖ፣ ኑ ሄ ኢሲ ኡይላ ሻኬቲያ ጊሾ ኢሲ ኣሳቲሉ።

18 ኣኔ ኢሰራዔል ኣሳይ ኦሊዳይሳ ኣኬኪቲ። ያርሼቲዳ ያርሹዋ ማይሳታስ ያርሹ ቤሳራ ኢሲፊቴሉ ባዌኤ? 19 ታኒ ኣይ ጋናው ኮያዳ ጎይና? ኤቃሰ ያርሼቲዳ ካላይ ዋይኮ ኤቃይ ፓሊያባ ጊዳና። 20 ኤንቲ ያርሼይ ያሳስ ጊዳናሺን ቱና ኣያናታሳ። ሄሳ ጊሾ፣ ሂንቲው ቱና ኣያናታራ ኢሲፊቴሉ ዳና ማላ ኮዩኬ።

21 ሂንቲ ጎዳ ፀዓፕ ኡዩሼ፣ ቃሲ ቱና ኣያናታ ፀዓፕ ኡያናው ዳንዳዔኬታ። ጎዳ ጋይታፕ ሚሼ ቃሲ ቱና ኣያናታ ጋይታፕ ማናው ዳንዳዔኬታ። 22 ኑ ሄሳ ኦሊዲ ጎዳ ዩሎይኖ? ኑ ኢያፕ ኣጂያ ሚናዬ?

23 ሂንቲ፣ «ኡባባ ኦላና ማላ ዲጊያባይ ባዋ» ጌታ፣ ሺን ኡባይ ማዴና። ሂንቲ፣ «ኡባባ ኦላና ማላ ዲጊያባይ ባዋ» ጌታ፣ ሺን ኡባባይ ዲቸና። 24 ኢሲ ኢሲ ኣሲ፣ ሃራ ኣሲ ማዲያባ ቆፓናው ቤሴሲፕ ኣቲን ባና ማዲያባ ፃላላ ቆፖፎ።

25 ሂንቲ ካሃ ሲዴን ጌልሲያ ኦይሻ ዴንላና ጊያን ባይዘቲያ ኣሹዋ ጮ ሚቲ። 26 ኣይሰ ጊኮ፣ «ሳዒኔ ሳዒን ዴዲያ ኡባይ ጎዳሳ።»

27 ኢሲ ኣማናና ኣሲ ሂንቲና ኢማታናው ኮዩዲ ፃጊኮ ባናው ኮይኮ ቢቲ። ሂንቲ ካሃን ማዴቲያ ኦይሻን ሲዶና ሂንቲ ሲንሌ

10:16 ማቶ 26:26-28፤ ማር 14:22-24፤ ሉቃ 22:19-20 10:18 ለዌ 7:6
10:20 ዛሬ 32:17 10:22 ዛሬ 32:21 10:23 1ቆር 6:12 10:26 ማዝ 24:1

አሊያባ ኡባ ሚቲ። 28 ሺን ኢሲ አሲ፡ «ሃይሲ ኤቃሰ ያርሼቲዳባ» ጊኮ፡ ሄ ሂንቴው ኦዲዳ አዲያ ጊሾኔ ሂንቴ ካሃ ጊሾ ሄ ካላ ሞጊቲ። 29 ታኒ፡ ካሃ ጊሾ ጌይ ሄ ሂንቴው ኦዲዳ ኡራ ካሃ ጉሱፌ አቲን ሂንቴ ካሃ ጊዳና።

ሃራ አሳ ካሃ ጊሾ ጋዳ ታኒ ታ ለዓቴላ ቦላ አይሰ ፐርዶ? 30 ታኒ ሚያ ካላ ጆሳ ጋላታዳ ሚኮ ባሊዳዳ አይሰ ቦሬቲያና?

31 ሂዛ፡ ሂንቴ አይ ሚኮ አይ ኡዪኮ፡ ዋይኮ አይ ኦሊኮካ ኡባባ ጆሳ ቦንቸሰ አሊቲ። 32 አይሁዴታ ጊዲን ጊሪኬታ ጊዲን ዋይኮ ጆሳ ዋሳ ኬሊ ጊዲን ኦዴሰካ ጴቤ ጊደጊቲ። 33 ታኒ ኡባ ዋዴ ዳርታ አሻናው ኤንቲ ማዴቲያ ኦጌ ኮያይሲፐ አቲን ታና ማዲያ ኦጌ ኮዪኬ።

11

1 ታኒ ኪሪሰቶሳ ለሚሱዋ ካሌይሳዳ፡ ሂንቴካ ታና ካሊቲ።

ጎይኖ ማራ

2 ሂንቴ ኡባባን ታና ቆፒያ ጊሾኔ ታ ታማርሲዳ ቲሚርቲያ ሚንሊዲ ናጊዳ ጊሾ ታ ሂንቴና ጋላታይሰ። 3 ሺን ኪሪሰቶሲ አዴ ኡባሰ ሁዔ፡ አዴይ ማጫሳሰ ሁዔ፡ ቃሲ ጆሳይ ኪሪሰቶሳሰ ሁዔ ጊዴይሳ ሂንቴ ኡራና ሚላ ታ ኮያይሰ። 4 ባ ሁዔያ ጉሉንቲዲ ጆሳ ዋሲያ ዋይኮ ቲንቢቲ ኦዲያ አዴ ኡባይ ሁዔ ጊዲዳ ኪሪሰቶሳ ቶቹሰ። 5 ባ ሁዔያ ቃጮና ጆሳ ዋሲያ ዋይኮ ቲንቢቲ ኦዲያ ማጫሲያ ሁዔ ጊዲዳ ባ አዚና ቶቻውሱ። ባ ሁዔያ ቃጮና ማጫሲያ ባ ሁዔያ ሚዴቲዳ ማጫሳ ሚላ።

6 ማጫሲ ባ ሁዔያ ቃጮና ኢዲኮ፡ ባ ሁዔያ ቃንጻቶ። ሺን ኢው ሁዔያ ቃንጻይ ዋይኮ ሚደይ ቦርሶ ጊዲኮ ባ ሁዔያ ቃጮ። 7 አዴይ ጆሳ ለሚሶኔ ጆሳ ቦንቸ ጊዲያ ጊሾ ባ ሁዔያ ቃቻናው ቤሴና፡ ሺን ማጫሲ አዴሰ ቦንቸ። 8 ማጫሲ አዴፌ ሚዴታሱፔ አቲን አዴይ ማጫሳፔ ሚዴቲቤና። 9 ማጫሲ አዴሰ ሚዴቲሲፔ አቲን አዴይ ማጫሳሰ ሚዴቲቤና። 10 ሃይሳ ጊሾኔ ኪታንቸታ ጊሾ ማጫሲ ባው ማቲ ዴዔይሳ ቤሲያ ማላ ባ ሁዔን ቃጮናው ቤሴሰ።

11 ሺን ጎዳ ቆፋን ማጫሲ አዴይ ባይና ዴና፤ አዴይካ ማጫሲ ባይና ዴዔና። 12 ማጫሲ አዴፌ ሚዴቲዳይሳዳ አዴይካ ማጫሳፔ ዬሌቲሰ። ሺን ኡባባይካ ጆሳፌ ሚዴቲሰ።

11:1 1ቆር 4:16፤ ፊል 3:17 11:7 ሜዴ 1:26-27 11:8 ሜዴ 2:18-23

13 እኔ ሂንቴ ፐርዲቴ። ማጫሲ ባ ሁዔ ቃጮና ያሳ ዋሳናው ቤሲ? 14 እዳይ ባ ሁዔያ ዲቸኮ ኢያው ቦርሶ ገደይሳ ሃሪ እቶሺን ማዴቴሉ ሂንቴና ታማርሴን? 15 ሺን ማጫሲ ባ ሁዔያ ዲቸኮ ኢው ቦንቸ ገደን? ማጫሳሰ ሁዔይ እምተዳይ ኢያ ባና ካማና ማላሳ። 16 ሺን ሃይሳ ቦላ ፓላማናው ኮያ አሲ ዳዒኮ፣ ኑስ ገዲን ዋይኮ ያሳ ዋሳ ከላታሰ ገዲን ሃይሳፌ ሃሪ ዋጊ ባዋ።

ጎዳ ካሁዋ ኤኪያ ማራ
(ማቶ 26:26-29፤ ማር 14:22-25፤ ሉቃ 22:14-20)

17 ሂንቴ ኢሲፌ ሺቁይ ጎዳሰ ገደናሺን ቆሆሰ ገዲያ ገሾ ሃዒ ታ እምያ ኪታን ሂንቴና ናሺኬ። 18 ታ ኮይሮ ሰዒዳይ፣ ሂንቴ ዋሳ ከላን ሸቁያ ዋዴ ሂንቴ ገደን ሻሃቴሉ ዳዒይሳ። ሄ ታ ሰዒዳይሳፌ ባጋይ ቱማ ገደይሳ አማናይሰ። 19 ሂንቴ ገደፌ ቱማ ዳዒይሳቴ እናንቴኮ ኤሬታና ማላ ሂንቴ ገደን ሻኮይ ዳናይሰ እቴና። 20 ሂንቴ ኢሲፌ ሸቁያ ዋዴ ሂንቴ ሸቁይ ጎዳ ካሁዋ ማናሳ ገደና። 21 ሂንቴ ካሉ ሚያ ዋዴ እሶይ ኢሱዋ ናጎና ባይሳ ባይሳ ሚያ ገሾ እሶይ ኮሻቴሰ ሃንኮይ ቃሲ ማላቴሰ። 22 ቱማ ሂንቴ ማናዉኔ ኡያናው ሂንቴው ከሉ ባዋ? ዋይኮ ያሳ ዋሳ ከላ ካዴቴ? አይኮይ ባይና ማንቆታ ዬላዬቴ? ታ ሂንቴና ዋይሳ? ሃይሳሰ ታ ሂንቴና ናሾ? ናሺኬ።

23 ታኒ ሂንቴው አሚዳ ቲሚርቲያ ጎዳፔ ኤካሰ። ጎዳ ዬሱሲ እዲዲ እምቴያ ቃማን ኡይላ ኤኪዲ፣ 24 ያሳ ጋላቲሰ። ኡይላ ባሉዲ «ሃዒቴ፤ ሚቴ። ሃይሲ ሂንቴው አሚቴያ ታ አሹዋ። ሃይሳ ሚሽ ታና ሃሳዩቴ» ያገሰ። 25 ሃሳዳካ፣ ካሁዋ ሚዲ ሲሚን፣ ፀዓ ኤኪዲ፣ «ሃይሲ ፀዓይ ታ ሱላን ኤቁያ ኦራላ ጫቁዋ። ሂንቴ እያፔ ኡያ ዋዴ ኡባን ታና ሃሳዩቴ» ያገሰ። 26 ሂንቴ ሃ ኡይላ ሚያ ዋዴ ነ ፀዓ ኡያ ዋዴ ኡባን ጎዳይ ያና ጋካናው ኢያ ሃይቁዋ ኦዴታ።

27 ሃሳ ገሾ፣ ቤሶና ኦጊያን ጎዳ ኡይላ ሚያ ዋይኮ ጎዳ ፀዓ ኡያ ኦኒካ ኢያ አሹዋኔ ሱላ ቶቸዳ ገሾ ባ ናጋራን ኦይሹቴሰ። 28 ሺን አሲ ባና ፓጮ። ያቲዲ ኡይላ ሞ፤ ፀዓፔካ ኡዮ። 29 ጎዳ አሹዋባ ሻኪ ኤሮና፣ ኡይላ ማይኔ ፀዓፔ ኡዬይ፣ ባ ቦላ ፐርዳ ማሰኔ ኡዬሰ። 30 ሃሳ ገሾ፣ ሂንቴ ገደፌ ዳርቲ ዳቡሪዶሶና፤ ሃርገዶሶና፤ ቃሲ ኡንዴና አሳቲ ሃይቁዶሶና። 31 ሺን ኑ ኑና ፓጪ ቤዒዳባ ገዲያኮ፣ ኑ ቦላ ፐርዳታናሺን። 32 አላሚይ ፐርዳቲያ ዋዴ ኑ አላሚያራ ፐርዳቶና ማላ ሃዒ ጎዳይ ኑና ሰፊሰ።

33 ሄሳ ገሸ፡ ታ አሻቶ፡ ጎዳ ካሁዋ ማናው ሂንቴ ሸቂያ ዋዴ ኢሶይ ኢሱዋ ጋሊ ኤኪቴ። 34 ሂንቴ ሸቆይ ፐርዳሰ ገደና ማላ ኮሻቲዳ ኦኒካ ዴቢ፡ ባ ሶን ሞ።
 አቲዳባ ታኒ ያ ባዳ ሂንቴው ኦዳና።

12

ጌሻ አያና ኢሞታታ

1 ታ አሻቶ፡ ጌሻ አያና ኢሞታታባ ሂንቴ ኤራና ማላ ታ ኮያሰ።
 2 ሂንቴ ያሳ አማኖና ዋዴ ደኒ ባይና ኤቃታን ጎሼቲዳ፡ ሂንቴ ኤሮና ሶ ቢዳይሳ ኤሬታ። 3 ያሳ አያናይ ካሌሌያ ኣሲ ኦኒካ፡ «ዬሱሲ ቃንጌቶ» ያጌና። ቃሲ ጌሻ አያናይ ካሌሌያ ዴቢሽን፡ ኦኒካ፡ «ዬሱሲ ጎዳ» ጋናው ዳንዳዖናይሳ ሂንቴ ኤራና ማላ ኮያይሰ።

4 ዴማ ዴማ አያና ኢሞታቲ ዴዖሶና፡ ሺን ኢሞታታ ኢሚያ አያናይ ኢሱዋ። 5 ኑ ጎዳሰ ኦሌያ ዴማ ዴማ ኦሶቲ ዴዖሶና፡ ሺን ጎዳይ ኢሱዋ። 6 ኑ ጎዳሰ ኦሌያ ዴማ ዴማ ኦጌቲ ዴዖሶና፡ ሺን ሄ ኦጌታን ኣሳ ኡባን ኦሌያ ያሳይ ኢሱዋ። 7 ሺን ኢሱዋሰ ኢሱዋሰ ኢሚቲዳ ኢሞታታን ሃራታ ማዳና ማላ ጌሻ አያናይ ቆንጩሰ።

8 ጌሻ አያናይ ኢሱዋሰ ጨንጫቴሌ ኩሚዳ ቃላ ኢሚሰ፤ ቃሲ ኢሱዋሰ ኤራቴሌ ኩሚዳ ቃላ ኢሚሰ። 9 ሄ ጌሻ አያናይ ኢሱዋሰ አማኖ፡ ሃንኩዋሰ ቃሲ ፓሌያ ዋልቃ ኢሚሰ። 10 ጌሻ አያናይ ኢሱዋሰ ማላታ ኦሌያ ዋልቃ፡ ኢሱዋሰ ቲንቢቴ ኦሌያ ዋልቃ ኢሚሰ። ኢሱዋሰ አያና፤ አያና ሻኪ ኤሪያ ዋልቃ፡ ኢሱዋሰ ዴማ ዴማ ደናን ኦሌያ ዋልቃ፡ ቃሲ ኢሱዋሰ ዴማ ዴማ ደናን ኦዴቲዳይሳ ቢርሺያ ዋልቃ ኢሚሰ። 11 ሺን ሃ ኡባ ኦሌይ ሄ ኢሲ ጌሻ አያና። ኢ ኮያ ማላ ኢሲ ኢሲ ኣሳሰ ዴማ ዴማ ኢሞታ ኢሚሰ።

አሳቴላኔ ዴማ ዴማ ቢሊቴታ

12 ኢሲ አሳቴላን ዳሮ ቢሊቴቲ ዴዖሶና፡ ሺን ሄ ዴማ ዴማ ቢሊቴቲ ኢሲ አሳቴሌ ገደሶና። ሄሳዳካ፡ ኪሪሰቶሲ ዴማ ዴማ ቢሊቴቲ ዴቢያ አሳቴላ ማላ። 13 ኦኒ ኣይሁዴ ገደን ገሪኬ ገደን ኣይሌ ገደን ዋማኖ ገደን፡ ኡባይ ኢሲ አሳቴሌ ገደናው ጌሻ አያናን ፃማቄቲዳ። ቃሲ ኑ ኡባይ ኢሲ ጌሻ አያና ኤኪዳ።

12:4 ሮሜ 12:6-8 12:12 ሮሜ 12:4-5

14 ኑ አሳቴላን ዲማ ዲማ ቢሊቴቲ ዴጎሶናፕ ኣቲን ኢሲ ቢሊቴ ጊደና። 15 ቶሆይ፣ «ታኒ ኩሼ ጊደና ጊሾ ቢሊቴ ጊዲኬ» ጊኮ፣ ኢ ሃሳ ጊደ ጊሾ ቢሊቴቴላይ ኣቲዬ? 16 ሃይሊ፣ «ታኒ ኣይፌ ጊደና ጊሾ ቢሊቴ ጊዲኬ» ጊኮ፣ ኢ ሃሳ ጊደ ጊሾ አሳቴላፌ ኢሲ ቢሊቴ ጊዴይሲ ኣቲዬ? 17 አሳቴላ ኡባይ ኣይፌ ፃላላ ጊዲዳኮ፣ ኑ ኣይቢን ሲባኔ? ቃሲ አሳቴሊ ኡባይ ሃይላ ፃላላ ጊዲዳኮ ኑ ኣይቢን ሲንጋኔ?

18 ሺን ያሳይ ባ ኮዩዳይሳዳ፣ አሳቴላ ጊደን ዲማ ዲማ ቢሊቴታ ዋሊስ። 19 ኡባይ ኢሲ ቢሊቴ ጊዲዳኮ አሳቴሊ ዋኒዲ ዳኔ? 20 ሺን ቢሊቴቲ ዳር ጊዲኮካ፣ አሳቴላይ ኢሶ።

21 ኣይፌይ ኩሼኮ፣ «ኔ ታው ኮሻካ» ጋናው ዳንዳዔና። ዋይኮ ሁዔይ ቶሆኮ፣ «ኔ ታው ኮሻካ» ጋናው ዳንዳዔና። 22 ሺን ዳቡራ ዳኒያ አሳቴላ ቢሊቴቲ ኑስ ኣዲዲ ኮሾሶና። 23 ቦንቾ ኮሼና ጊዲ ኑ ቆፒያ ኑ ቢሊቴታፕ ባጋታ ዳር ቦንቾስ። ቃሲ ኑ ቦርሴቲያ ኑ አሳቴላ ቢሊቴታ ኣሊ ቦንቾዲ ናጎስ። 24 ኑ ቤዒን ቦርሶና አሳቴላ ቢሊቴታስ ቦንቾ ኮሼና። ሺን ያሳይ ኑ አሳቴላ ቢሊቴታ ዋሊራ ጋሴሊዲ ቦርሲያ ቢሊቴታስ ኣዲያ ቦንቾ አሚስ። 25 አሳቴላ ቢሊቴቲ ኢሶይ ኢሱዋራ ሻኮ ሜዶና ዋሊስ ቆፓና ሜላ ኮሊዲ ሜዲስ። 26 አሳቴላ ቢሊቴታፕ ኢሶይ ሳኬቲኮ ቢሊቴቲ ኡባይ ኢያራ ሳኬቶሶና። አሳቴላ ቢሊቴታፕ ኢሶይ ቦንቾቲኮ ቢሊቴቲ ኡባይ ኢያራ ኡፋይቶሶና።

27 ሂንቴ ኡባይ ኪሪሰቶሳ አሳቴሊ፤ ቃሲ ሂንቴ ኢሶይ ኢሶይ ኢያ ቢሊቴታ። 28 ዋሳ ኬላን ያሳይ፣ ኮይር ሃዋሬታ፣ ናምዓንሳ ናቤታ፣ ሃሻንሳ አስታማሬታ፣ ካሊዲ ማላታ ኦሌይሳታ፣ ፓሌይሳታ፣ ሃራታ ማዴይሳታ፣ ዋሳ ኬላ ኣይሴይሳታኔ፣ ዲማ ዲማ ዶናን ሃሳዬይሳታ ዋሊስ።

29 ኡባይ ሃዋሬ? ኡባይ ናቤ? ኡባይ አስታማሬ? ኡባይ ማላታ ኦሊ? 30 ኡባይ ፓሊዬ? ኡባይ ዲማ ዲማ ዶናን ኦዴቲ? ኡባይ ዲማ ዲማ ዶናን ኦዴቶይሳ ቢርሺ? 31 ሺን ኡባፌ ኣዲያ አዋታ ሚንሊዲ ኮዩቴ።

ቃሲ ኡባፌ ኣዲያ ኦጊያ ታ ሂንቴና ቤሳና።

13

ቱማ ሲቆ

1 ታኒ አሳ ቃላኔ ኪታንኸ ቃላ ኦዴታናው ዳንዳዒኮካ፡ ታው ሲቆይ ቆይቶ፡ ጮ ገሪያ ዳላ ማላ። 2 ቲንቢቲ ኦዲያ አሞይ ታው ዳዒኮካ፡ ጮ ኡባ ኤሪኮካ፡ ኤሪቲላ ኡባይ ዳዒኮካ፡ ቃሲ ዳሪያ ዳንሲዲ ሃራሶ ኤፊያ አማኖይ ታው ዳዒኮካ፡ ሲቆይ ቆይቶ፡ ታ አይኮካ ገዲኬ። 3 ታው ዳዒያባ ኡባ ማንቆታሰ አሚኮካ፡ ሃሪ አቶሺን፡ ታና ታማሰ አላ አሚኮካ፡ ሲቆይ ቆይቶ ታና አይኮካ ማዳና።

4 ሲቆይ ዳንዳዒንኸ፡ ሲቆይ ኬሃ፡ ሲቆይ ቃናቴና፡ ሲቆይ ጩቁቴና፡ ሲቆይ ኦቶሬና። 5 ሲቆይ ቤሶናባ ኦሴና፡ ሲቆይ ኡዜቴና፡ ሲቆይ ዪሎቴና፡ ሲቆይ ባ ቆሆ ፓይዳና። 6 ሲቆይ ቱማን ኡፋይቴሲ፤ ኦቲን ዎርደን ኡፋይቴና። 7 ሲቆይ ኡባ ዳንዳዒሰ፤ ኡባ አማኔሰ፤ ሎዎባይ ሃናና ገዲ፡ ኡፋይሳን ናጌሰ፤ ኡባ ጌንጩሰ።

8 ሲቆይ ወርሴላ ጋካናው ቆይና፡ ሺን ቲንቢቲይ አታና፤ ዳማ ዳማ ደናን ኦዴቴይሲ አታና፤ ኤሪቲላካ አቆና። 9 ኦ ኤሪቲላፊ ጉላ ኤርሰ፤ ቲንቢቲያ፤ ባጋ ኦደሰ። 10 ሺን ፖሎ ገዲዳይሲ ያ ዎዴ ፖሎ ገደናይሲ አታና።

11 ታኒ ናባ ዳዒያ ዎዴ ናባዳ ሃሳይሰ፤ ናባዳ ቆፓይሰ፤ ናባዳ አኬካይሰ። ታ ካሃሚዳ ዎዴ ናባቴላ ሃኑዎ አጋሰ። 12 ሃዒ ፖይይ ባይናሶን ማሰቶቴን ቤዔይሳዳ ቤዎሰ፡ ሺን ሄ ዎዴ ኦ ቆንጩን ቤዎና። ሃዒ ኦ ኤሪቲላፊ ጉላ ኤርሰ፡ ሺን ሄ ዎዴ ያሳይ ኦና ኤሪይሳዳ ፖሎ ኤሪና።

13 ሂዛ፡ አማኖይ፡ ኡፋይሲኔ ሲቆይ፡ ሃ ሄሻቲ ኤቁዲ ዳና። ሺን ሃይሳታ፤ አዴይ ሲቆ።

14

ቲንቢቲኔ ዳማ ዳማ ደና

1 ሲቆ ካለቲ፡ አያና አሞታታ ሚንሲዲ ኮዩቲ፤ ኡባፊ አላዲ፡ ቲንቢቲ አሞታ ሚንሲዲ ኮዩቲ። 2 ዳማ ዳማ ደናን ኦዴቲያ አሲ ያሳሰ ኦዴሲ፤ ኦቲን አሳሰ ኦዴና። ሺን አሳሰ ቆንጩቦና ጮ ኡባ ዎልቃን ኦዴቲያ ገሾ ኦኒካ ኢ ኦዴቲይሳ አኬኮና። 3 ሺን ቲንቢቲ ኦዴይሳቲ አሲ ዲቻናው፡ ሚንሴላናውኔ ሚንላናው አሳሰ ኦዴሰ። 4 ዳማ ዳማ ደናን ኦዲያ አሲ ባና ዲቼሰ። ሺን ቲንቢቲ ኦዲያ አሲ ዎሳ ኬላ ዲቼሰ።

5 ሂንቲ ኡባይ ዳማ ዳማ ደናን ኦዴቲያኮ ታ ደሳይሰ፡ ሺን ቲንቢቲ ኦዳናይሳ አላዳ ደሳይሰ። ዳማ ዳማ ደናን ኦዴቲይሳ ዎሳ

13:2 ማቶ 17:20፤ 21:21፤ ማር 11:23

ከሌ ዲቻናው ቢርሺያ አሲ ጳዩኮ፣ ዲማ ዲማ ደና ኦዴቴያሳፊ ቲንቢቴ ኦዴይሲ አዲስ።

6 ሺን ታ አሻቶ፣ ታኒ ሂንቴኮ ባዳ ቆንጨጫን ዋይኮ ኤራቴላን ዋይኮ ቲንቢቴ ኦዴን ዋይኮ ቲሚርቴን ጊደናሺን ዲማ ዲማ ደናን ኦዴቴኮ ሂንቴና አይ ማዳኔ? 7 ዲማ ዲማ ዬላ ሚሺታስ አሲ ቆሞ ገርሲ ዴዒኮ፣ ሱሱልዔ ገርሲኔ ዲላ ገርሲ ዋቲዲ ሻኪ ኤራኔ? 8 ቃሲ ሞይዜ ፑኖይ ጌዩዲ ኤራቶና ኢዲኮ ኦላስ ገጌቴይ ኦኔ? 9 ሃሳዳካ፣ ዲማ ዲማ ደናን ሂንቴ ኦዴቴይሲ ቆንጨጭ ጊደና ኢዲኮ ሂንቴ ኦዴይሳ ኦኒ ኤራኔ? ሄሲ ጫርኮስ ኦዲያ ማላ።

10 ሃ አላሚያን ደር ደናቲ ዴዎሶና፤ ሄ ኡባስ ቢርሺሌ ዴዔስ። 11 ሺን አሲ አሲ ኦዴቴያ ደና ታኒ ኤርና ኢዲኮ ኢ ታው አማሌ ጊዴስ፤ ታካ ኢያው አማሌ ጊዳይስ። 12 ሃሳዳካ፣ ጌሻ አያና አሞታ ሂንቴ ኤካናው ሚንሌዲ ኮይኮ፣ ዋሳ ከሌ ዲቻናው ኡባፊ አዲያ አሞታ ኮዩቴ።

13 ዲማ ዲማ ደናን ኦዴቴያ አሲ ባ ኦዳ ቢርሻናው ቢርሺላ አሞታይ አሚታና ማላ ያሳ ዋሶ። 14 ታኒ ዲማ ዲማ ደናን ያሳ ዋሶኮ፣ ታ አያናይ ዋሶስ፣ ሺን ታ ዋዛናይ አይኮካ ጎዔቴና። 15 ያቲን፣ ታ አይ ኦላናው ኮሺ? ታኒ ታ አያናን ዋሳይስ፤ ታ ዋዛናካ ዋሳይስ። ታኒ ታ አያናን ዬፃይስ፤ ታ ዋዛናካ ዬፃይስ። 16 ሃሳ ጊደና ኢዲኮ ኔኒ ኔ አያናን ያሳ ጋላቲያ ዋዴ ሄ ቤሳን ኔኒ ጌይሳ ኤርና አሲ ኔ ጋላቲይሳ ዋይጊዲ፣ «አሚንዒ» ጋኔ? 17 ኔኒ ያሳ ጋላቲይሲ ሎዎ፣ ሺን ሃራ አሲ ማዴና።

18 ታ ሂንቴ ኡባፊ አላዳ ዲማ ዲማ ደናን ኦዴቴያ ጊሾ ያሳ ጋላታይስ። 19 ሺን ታኒ ዋሳ ከላን ሃራታ ታማርሳናው ዲማ ዲማ ደናን ታሙ ሙኩሉ ቃላ ኦዴታናፔ ኤራቴያ ደናን ኢቻሹ ቃላ ኦዴታናው ደሳይስ።

20 ታ አሻቶ፣ ሂንቴ ቆፋን ናይታዳ ሃናፒቴ። ሂንቴ ኢታባስ ናይታዳ ሃኒቴፔ አቲን ሂንቴ ቆፋን ካሃማታ ጊዲቴ። 21 ጎዳይ፣ ጌሻ ማፃፋን፣

«ታኒ ሃ አሳስ፣
ዲማ ዲማ ደናን ኦዴቴያ አሳኒኔ
አማላ አንፃርሳን ኦዴቴያ አሳን ኦዳና።
ሺን ሄሲ ሃኒኒካ ታና ሲዎኮና» ያጌስ።

22 ሂዛ፡ ዲማ ዲማ ደናን ሃሳዮይ፡ አማኖና አሳሰ ማላ ጊዴሲፔ ኣቲን አማኒያ አሳሳ ጊዴና። ቲንቢቲይ አማኒያ አሳሰ ማላ ጊዴሲፔ ኣቲን አማኖና አሳሳ ጊዴና።

23 ዋሳ ኩላ አሳይ ኢሲፌ ሸቂያ ዋዴ ኡባይ ዲማ ዲማ ደናን ኦዴቲኮ ኤሮና ዋይኮ አማኖና አሳይ ሂንቲ ሸቂዋ ዪዲ፡ «ሃይሳቲ ጎዮሶና» ጎኮናዬ? 24 ሺን ኤሮና ዋይኮ አማኖና አሳይ ዋሳ ኩላ ያ ዋዴ አሳይ ቲንቢቲ ኦዲሺን፡ ሲዒኮ ባ ናጋራ ኣኩካና፤ ቃሲ ኢ ሲዒዳ ቃላን ፐርዴታና። 25 ኤንቲ ኢያ ዋዛናን ጌሚዳ ቆፋ ቆንጨሳና። ሄሳዳካ፡ «ቱማ ያሳይ ሂንቲ ጊደን ዴዔስ» ያጊዲ ማርካቲዲ፡ ጉፋኒዲ ያሳሰ ጎይናና።

ጎይኖ ማራ

26 ታ ኣሻቶ፡ ኑ ዋይጊኖ? ሂንቲ ኢሲፌ ሸቂያ ዋዴ ኢሱዋሰ ማዝሙራይ ዴዔስ፤ ኢሱዋሰ ታማርሶ ኣሞቲ ዴዔስ፤ ኢሱዋሰ ቆንጨዮላ ዴዔስ፤ ኢሱዋሰ ዲማ ዲማ ደናን ሃሳዮይ ዴዔስ፤ ኢሱዋሰ ቢርሽላ ኣሞቲ ዴዔስ። ሄ ኡባይ ዋሳ ኩላ ዲቺያባ ጊደናው ቤሴስ። 27 ዲማ ዲማ ደናን ኦዴቲያ አሳቲ ዴዒኮ፡ ናሞዓ ዋይኮ ዳሪኮ ሄዝ ጊዲዲ ማራን ማራን ሃሳያናው ቤሴስ። ኤንቲ ኦዴቲይሳ ሃራ ኣሲ ቢርሽ። 28 ሺን ቢርሽያ ኣሲ ቆዩኮ፡ ዲማ ዲማ ደናን ኦዴቲይሲ ዋሳ ኩላን ሲዒ ጎ። ባወኔ ባ ያሳሰ ኦደ።

29 ቲንቢቲ ኦዴይሳቲ ናሞዓ ዋይኮ ሄዝ ጊዲዲ ኦደ። ቃሲ ሃራቲ ኤንቲ ጊያባ ፐርደና። 30 ሄ ሸቂዋን ዴዒያ ሃራ ኣሳሰ ኢሲባይ ቆንጨኮ ካሴ ኦዴቲይሲ ሲዒ ጎ። 31 ኡባይ ታማራና ሜላኔ ኡባይ ሚናና ሜላ ማራን ማራን ቲንቢቲ ኦደናው ዳንዳዔታ። 32 ናቤታ ኣያናይ ናቤታሰ ኪቲቲስ። 33 ጌሻታ ዋሳ ኩላ ኡባይ ሜዜቲዳይሳዳ ያሳይ ሳሮቲላ ያሳፌ ኣቲን ጫቦ ያሲ ጊዴና።

34 ማጫሲ ዋሳ ኩላን ሲዒ ጎ። ሙሴ ሂጌይ ጌይሳዳ ኤንቲ ሃራቶፌ ኣቲን ዋሳ ኩላን ኦደናው ኤንታው ማቲ ባሞ። 35 ማጫሲ ዋሳ ኩላን ሃሳዮይ ቦርሶ ጊዲያ ጊሾ ኢሲባ ኤራናው ኮይኮ ሶን ባንታ ኣዚናታ ኦይቸና።

36 ያሳ ቃላ ኮይሮ ሂንቲ ኤሂዴቲ? ዋይኮ ያሳ ቃላይ ሂንቲ ያላላኮ ዪዴ? 37 ኦኒካ ባና ናቤ ዋይኮ ባና ያሳ ኣሲ ጊዲ ቆቲኮ፡ ታኒ ሂንቲው ያፌይሲ ጎዳ ኪታ ጊዴይሳ ኣኩኮ። 38 ሺን ኦኒካ ኣኩኮና ኢዳኮ ኢካ ኣኩኮቶፎ።

39 ሄሳ ገሾ፣ ታ አሻቶ፣ ቲንቢቴ ኦዳናው ሚንሊዲ አሞቲቴ፤ ቃሲ ዲማ ዲማ ደናን ኦዳቴይሳካ ዲሳፊቴ። 40 ሺን ኡባይካ ዋጋኒኔ ማራን ገደ።

15

ኪሪሰቶሳ ሃይቆፔ ዴንዲዋ

1 ታ አሻቶ፣ ታ ሂንቴው ማርካቲዳ ዋንጌላ ሂንቴ ኤኪዳይሳኔ ሂንቴ አማኖይ ኢያን ኤቁዳይሳ ሂንቴ አከካና ሜላ ኮያይሰ። 2 ታ ታማርሲዳ ዋንጌላ ሚንሊዲ ኦይኪኮ ሂንቴ ኢያን አታና። ሄሲ ሃናና ኢደኮ ሂንቴ አማናኦይ ሃዳ ገዳና።

3 ታኒ ኤኪዳ ኡባፌ አጲያ ኪታ ካሴታዳ ሂንቴው አማሰ። ሄሲካ፣ ጌሻ ማፃፋይ ጌይሳዳ፣ ኪሪሰቶሲ ኑ ናጋራ ገሾ ሃይቁሰ።

4 ሞጌቲሰ፤ ጌሻ ማፃፋይ ጌይሳዳ፣ ሄቫንላ ጋላሳን ሃይቆፔ ዴንዲሰ። 5 ጴዳርሳሰ ቆንጨሰ። ሄሳፌ ጉዬ፣ ታማኔ ናሞቡ ሃዋሬታሰ ቆንጨሰ። 6 ሄሳፌ ጉዬ፣ ኢቻሹ ዪታፔ ዳሪያ አሳሰ ኢሲ ቶሆ ቆንጨሰ። ኤንታፌ ዳሪያ ባጋይ ሃዲ ጋካናው ፓፃ ዴያሶና፣ ሺን ጉላቲ ሃይቁዳሶና። 7 ሄሳፌ ጉዬ፣ ያይቆባሰ ቆንጨሰ፤ ጉዬፔ ባ ሃዋሬታ ኡባሰ ቆንጨሰ።

8 ቃሲ ወርሴላን አዉጫያ ሜላ ገዲዳ ታው ቆንጨሰ።

9 ታኒ ዬሱሳ ሃዋሬታ ኡባፌ ላፋ። ታኒ ያሳ ዋሳ ኬላ ጎዲዳ ገሾ ዬሱሳ ሃዋሬ ጌቴታዳ ዪጌታናው ቤሶናይሳ። 10 ሺን ያሳ አጵ ኬሃቴላን ታ ሃዲ ገዲዳይሳ ገዳሰ፤ ኢ ታው አሚዳ አጵ ኬሃቴላይ ሜላ አቲቤና። ታኒ ሃንኮ ሃዋሬታፔ አላዳ ዳቡራሰ። ሺን ታራ ዴዲያ ያሳ አጵ ኬሃቴላይ አሊሰፔ አቲን ታና ገዲኬ። 11 ሂዛ፣ ታና ገዲን ኤንቲ፣ ኑ ኡባይ ታማርሴይ ሄሳ፤ ሂንቴካ ሄ ኪታ አማኒዴታ።

ሃቆፔ ዴንዲ

12 ኪሪሰቶሲ ሃይቆፔ ዴንዲዳይሳ ኑ ሳባኪያ ዋዴ ሂንቴፌ ኢሶቲ ኢሶቲ ያቴን፣ ዋይገዲ፣ «ሃይቆፔ ዴንዲይ ባዋ» ያጎና?

13 ሃይቆፔ ዴንዲይ ባይናባ ገዲኮ ኪሪሰቶሲ ሃይቆፔ ዴንዲቤና ጉሱ። 14 ኪሪሰቶሲ ሃይቆፔ ዴንዲቤናባ ገዲኮ ኑ ቲሚርቴይ ቃሲ ሂንቴ አማኖይካ ሃዳ። 15 ሃይቆፔ ዴንዲይ ባይናሺን፣ ኑኒ ያሳይ፣ «ኪሪሰቶሳ ሃይቆፔ ዴንሊሰ» ያገዲ ሳባኪሾ

15:3 ኢሳ 53:5-12 15:4 ማዝ 16:8-10፤ ማቶ 12:40፤ ሃ.ኦ 2:24-32
15:5 ማቶ 28:16-17፤ ማር 16:14፤ ሉቃ 24:34፣ 36፤ ዮሃ 20:19 15:8 ሃ.ኦ 9:3-6 15:9 ሃ.ኦ 8:3

ፆሳ ዋርዳንቸ ማርካታ ጊዲዳ ጉሱ። 16 ሃይቂዳ አሳይ ሃይቆፔ ዳንዲቦናባ ጊዲኮ ሂዛ፣ ከሪስቶሲ ሃይቆፔ ዳንዲቦና። 17 ከሪስቶሲ ሃይቆፔ ዳንዲቦናባ ጊዲኮ፣ ሂንቲ አማናይ ሃዳ፤ ቃሲ ሂንቲ ሃዲ ጋካናው ሂንቲ ናጋራን ዳዔታ። 18 ሂዛ፣ ከሪስቶሳ አማኒዲ ሃይቂዳይሳቲካ ቆዩደሶና ጉሱ። 19 ኮኒ ሃ አላሚያ ዴዑዋ ፃላላስ ከሪስቶሳን ኡፋይሲ ኦሌዳባ ጊዲኮ፣ ሃ ሳዓን ዳዒያ አሳ ኡባፌ ኩባይ አዲዳ ዩባታ።

20 ሺን ከሪስቶሲ ሃይቂዳይሳታስ ሃይቆፔ ዳንዲን ባይራ ጊዲዲ ቱማ ዳንዲሰ። 21 ሃይቆይ ኢሲ አሳ ባጋራ ሃ አላሚያ ዩዳይሳዳ ሃይቆፔ ዳንዲይ ኢሲ አሳ ባጋራ ዩሰ። 22 አዳሜ ባጋራ አሳ ኡባይ ሃይቂዳይሳዳ ከሪስቶሳ ባጋራ አሳ ኡባይ ዳፆን ዳና። 23 ሺን ኢሶይ ኢሶይ ባ ማራን ማራን ዳንዲና። ከሪስቶሲ ኡባፌ ካሴቲዲ ዳንዲሰ፤ ሄሳፌ ጉዬ፣ ከሪስቶሳይሳቲ ኢ ያ ዋዴ ዳንዲና።

24 ሄሳፌ ጉዬ፣ ከሪስቶሲ ሃሪይሳ፣ ማታኒ ዋልቃ ኡባ ቆይሲዲ፣ ካዋቲሳ ፆሳ አዋስ አሚያ ዋዴ ዋዲያ ወርሴሳይ ያና። 25 ፆሳይ ኢያ ሞርኬታ ኡባ ኢያ ቶሁዋፔ ጋርሳን ዋላና ጋካናው ከሪስቶሲ ሃራናው ቤሴስ። 26 ወርሴሳን ኢ ቆይሳናው ዳዒያ ሞርኬይ ሃይቆ። 27 ጌሻ ማፃፋን፣ «ፆሳይ ኡባባ ኢያ ማታፔ ጋርሳን ሃሪሲስ» ጌቲቲዲ ፃፌቲስ። ሺን ኡባ ኢያ ማታፔ ጋርሳን ሃሪሲስ ጌይሲ፣ ኡባባ ኢያ ማታፔ ጋርሳን ሃሪሲዳ ፆሳ ጉጁና።

28 ኡባባይ ከሪስቶሳ ማታፔ ጋርሳን ሃሪቲዳፔ ጉዬ ከሪስቶሲ ቃሲ ባ ሁዔን ኡባባ ባው ሃሪሲዳ ፆሳስ ሃሪታና። ሄ ዋዴ ፆሳይ ባ ፃላላ ኡባ ሃራና።

29 ሃይቂዳይሳቲ ዳንዲናባ ጊዲኮ ኤንታ ጊሾ አሳስ አይቢ ዋዴይ ዳዒ? ሃይቂዳይሳቲ ዳንዲናባ ጊዲኮ ያቲን፣ አይሰ፣ አሳይ ሃይቂዳይሳታ ጊሾ ፃማቄቶና?

30 ያቲን፣ ኮኒ አይሰ ኡባ ዋዴ ኦናቲሳ ሜቶስ አሌ አሞና? 31 ታ ኢሻቶ፣ ታ ጋላስ ጋላስ ሃይቆስ አቆዳ አሜታይሰ። ሄሲካ፣ ጎዳ ከሪስቶስ ዬሱሳን ዳዒያ ዴዑዋ ኢሲፌቲሳን ሂንቲናን ጨቂያ ጊሾሳ። 32 አሳ ቆፋላ ጊዲኮ፣ ታኒ ኤፌሶናን ደዓራ ቡቲቲዳይሲ ታና አይ ማዲ? ሃይቂዳይሳቲ ሃይቆፔ ዳንዲናባ ጊዲኮ፣ «ዋንቶ ኑ ሃይቂያ ጊሾ ሃቺ ማና ኡያና» ያጊያ አሳ ሜላ ጊደስ።

33 ጨሜቶፊቲ! ኢታ ላጌቲሌ ሎፆ አማሊያ ኢሴስ። 34 ሂንቲ አኬካኮ ሲሚቲ። ናጋራ ኦሎፊቲ። ሂንቲፌ ኢሲ ኢሲ አሳይ ፆሳ ኤርኮና። ታኒ ሂንቲና ዬላያናው ሄሳ ጋይሰ።

ዴንዶ አሳቴሌ

35 ኢሲ አሲ፡ «ሃይቂዳ አሳይ ዋኒዲ ዴንዳኔ? ኤንቲ አይ ማላ አሳቴላራ ያኔ?» ያጎና አገና። 36 ኔኖ ኤያው፣ ኔኒ ቢታን ዜሪያ ዜሪላይ ሃይቆና ደሌና። 37 ኔኒ ዜሪይ ገሰቴ ገዲን ዋይኮ ሃራ ካላ ቆሞ አይፌ ፃላላ ዜራሳፔ አቲን ደሊዳ ደላ ገዴና። 38 ሺን ያሳይ ዜሪላሰ ባ ደሲዳ ማላ ማዴቴሌ ኢማሰ። ዲማ ዲማ ዜሪላሰ ዲማ ዲማ አሳቴሌ ኢማሰ። 39 ማዴቴላ ኡባ አሾይ ኢሶ ገዴና። ሺን አሳ አሾይ ኢሶዋ፤ ማሄ አሾይ ዲማ፤ ካፎታ አሾይ ዲማ፤ ቃሲ ሞሎ አሾይ ዲማ።

40 ሳሎ አሳቴሌ ዴዔሰ፤ ቃሲ ሳዓ አሳቴሌ ዴዔሰ። ሺን ሳሎ አሳቴላ ቦንቾይ ዲማ፤ ቃሲ ሳዓ አሳቴላ ቦንቾይ ዲማ። 41 አዋ ቦንቾይ ዲማ፤ አገና ቦንቾይ ዲማ፤ ያለንቶታ ቦንቾይ ዲማ፤ ኢሲ ያለንቶይ ሃንኮ ያለንቱዋፌ ቦንቾን ዲማቴሰ።

42 ሃይቂዳይሳቲ ሃይቆፔ ዴንዲያ ዋዴ ሄሳዳ ሃናና፡ ሃይቂያ አሳቴላይ ዜሪቴሰ፤ ሃይቆና አሳቴሌ ገዲዲ ዴንዴሰ። 43 ቶሼን ዜሪቴዲ፣ ቦንቾን ዴንዳና፣ ዳቡራን ዜሪቴዲ፣ ዋልቃን ዴንዳና። 44 ማዴቴላ አሳቴላይ ዜሪቴዲ፣ አያና አሳቴሌ ገዲዲ ዴንዳና። ማዴታ አሳቴሌ ዴዒኮ፣ አያና አሳቴሌ * ዴዔሰ።

45 ሄሳዳካ፡ ጌሻ ማፃፋን፡ «ኮይሮ አዴይ፣ አዳማይ፣ ፓፃ ዴዒያ አሴ ገዲዲ ማዴቴሰ» ያገሰ። ሺን ወርሴላ አዳማይ፣ ኪሪሰቶሲ፣ ዴዎ ኢሚያ አያና ገዲሰ። 46 ሺን ማዴታ አሲ ኮይሮ ዩን፣ ጉዬፔ አያና አሲ ዩሲፔ አቲን አያና አሲ ኮይሮ ዩሴና። 47 ኮይሮ አዳማይ ቢታፌ ማዴቴዳ ቢታ አሲ፤ ናሞዓንሶ አዳማይ ሳሎፔ ዩዳ ሳሎ አሲ። 48 ቢታፌ ማዴቴዳይሳቲ ቢታፌ ማዴቴዳይሳ ዳናሶና። ሳሎይሳቲ ሳሎፔ ዩዳይሳ ዳናሶና። 49 ኑኒ ቢታፌ ማዴቴዳ አዲያ ዳኔይሳ ማላ ሳሎፔ ዩዳ አዲያ ዳናና።

50 ታ ኢሻቶ፣ ታ ጌይሲ ሄሳ፤ ሃዒ ኑ ማዒዳ አሳቴላይ ያሳ ካዋቴላ ላታናው ዳንዳዒና። ዋቂያ አሳቴላይ ዋቆና አሳቴላ ላቴና።

51 ታ ሂንቴው ኢሲ ፀራ ኦዳና። ኑ ኡባይ ሃይቆኮ፣ ሺን ወርሴላን ኡባይ ላሚታና። 52 ሞይዜይ ፑኔቲያ ዋዴ አይፌይ ቂጲ ፃላናው ሃሳዮና ላሚታና። ሃይቂዳ አሳይ ዋቆና አሲ ገዲዲ ዴንዳና፤ ኑካ ላሚታና። 53 ሃይሲ ዋቂይሲ ዋቆናይሳ፣ ሃይሲ ሃይቂይሲ ሃይቆናይሳ ማዓናው ቤሴሰ።

* 15:44 አያና አሳቴሌ፡ ጌሻ አያናይ ሃራዳ ዋይኮ ጌሻ አያናይ ዴዎ ኢሚዳ አሳቴሌ ጉሱ። 15:45 ማዴ 2:7 15:52 1ቴሴ 4:15-17

54 ሃይሲ ዋቄይሲ ዋቆናይሳ፣ ቃሲ ሃይሲ ሃይቄይሲ ሃይቆናይሳ ማዒያ ዋዴ ገሻ ማፃፋን፣ «ሃይቆይ ያኖን ሚቴቴሰ» ጊያ ቃላይ ፖሌታና። 55 ሂሳዳካ፣

«ሃይቆ፣ ኔ ያኖይ ኣዉን ዴዒ?

ሃይቆ፣ ኔ ቆሂያ ዋልቃይ ኣዉን ዴዒ?»

ጊዳ ቃላይ ፖሌታና። 56 ሃይቆይ ዱኪያ ዋልቃይ ናጋራ፤ ቃሲ ናጋራ ዋልቃይ ሂጌ። 57 ሺን ኑ ጎዳ ዩሱሰ ኪሪሰቶሳ ባጋራ ኑሰ ያኖ ኣሚያ ያሳ ጋላቴ ጋኮ።

58 ሄሳ ጊሾ፣ ታ ሲቆ ኢሻቶ፣ ቃያና ሚኒዲ ኤቂቴ። ጎዳ ኦሱዋን ሂንቴ ዳቡሪይሲ ጮ ጊደናይሳ ኤሪዲ ኡባ ዋዴ ጎዳ ኦሱዋ ኣዛሎና ኦሊቴ።

16

አማኒያ አሳሰ ሸቂዳ ማዲዋ

1 አማኒያ አሳሰ ሚሼ ሺሾባ ጋላቴያ ዋሳ ኬላታሰ ታኒ ከቲዳይሳዳ ሂንቴካ ኦሊቴ። 2 ሚሺያ ሺሾይ ታ ሂንቴኮ ቢያ ዋዴ ጊደና ሜላ ኢሶይ ኢሶይ ሳሚንታፌ ከይሮ ጋላሰ፣ ዋጋ ዋዴ ዋጋ ዋዴ ባ ዴሜይሳፌ ኬሲዲ ባ ሶን ዳጋዮ። 3 ታኒ ያ ቢዳ ዋዴ ሚሺያ ዩሩሳላሚ ጋላና ሜላ ሂንቴ ዶሪያ አሳሰ ዳብዳቤ አማዳ ኤንታ ዩሩሳላሚ ኪታና። 4 ኤንታራ ታ ቡሳይ ኮሺያባ ጊዲኮ ኤንቴ ታራ ባናው ዳንዳፖሶና።

ጳውሎሳ ቆፋ

5 ታኒ ማቄደኒያራ አቆናው ቆጊዳ ጊሾ ያ ባዳ ሂንቴኮ ያና።

6 ታ ቢያሶ ኣው ጊዲኮካ፣ ታ ቡሳን ሂንቴ ታና ማዳና ሜላ ሂንቴ ማታን ጉላ ዋዴ ጋሞፖና ኣጊኬ። ባልጎ ኣኔናታ ሂንቴ ማታን ኣሶና ዋያ ኣጋና። 7 ታኒ ኦኔራ ኣቆሽ ሂንቴና ቤዓናው ኮዩኬ። ጎዳይ ጊኮ፣ ሂንቴ ማታን ጉላ ዋዴ ታካናው ቆጋይሰ።

8 ሺን ታኒ ጳንጻቆሰጻ ባሌይ ጋካናው ኤፌሶናን ጋሞዓና።

9 ታው ኦሶይ ኩሚዳ ዳልጋ ፔንጌይ ዶዩቴሰ፣ ሺን ዳሮ ኤቁቴያ ሞርኬቴ ዴፖሶና።

10 ኢ ታ ሜላ ጎዳ ኦሶ ኦሊያ ኣሲ ጊዲያ ጊሾ ጂሞቴዮሲ ሂንቴኮ ቢኮ፣ ሂንቴ ማታን ኢ ሂርጎና ዳና ሜላ ኦሊቴ። 11 ኦኒካ

15:54 ኢሳ 25:8 15:55 ሆሴ 13:14 16:1 ሮሜ 15:25-26 16:5 ሃ.ኦ 19:21 16:9 ለዌ 23:15-21፤ ዛሬ 16:9-11፤ ሃ.ኦ 19:8-10 16:10 1ቆር 4:17

ኢያ ካጵፖ። ኢ ታኮ ሳር ሲማና ማላ ኢያ ማዲዲ ሞይዚቴ። ታኒ ኢ ሃንኮ አማኔይሳታራ ሲማናይሳ ናገይሰ።

12 ኑ አሻ አጲሎሲ ሃንኮ አማኔይሳታራ ሂንቴኮ ባና ማላ ታ ኢያ ሚንጻ ዋሳሰ። ሃዒ ሂንቴኮ ባናው ኮዪቤና፣ ሺን ኢያው አንጃቴያ ዋዴ ሂንቴኮ ባና።

ወርሴላ ዘሬኔ ሳርሶ

13 ባርኪቴ፤ አማኖን ኤቁቴ፤ ፃሊቴ፤ ሚኒቴ። 14 ኦሶ ኡባ ሲቆን ኦሊቴ።

15 ታ አሻቶ፣ ኢስጻፋኖሴይኔ ኢያ ሶ አሳይ አካያን ኤንቴ ኮይር አማኒዳይሳታ ገዴይሳኔ አማኔይሳታ ማዳናው ባንታና አሊ አሚዳይሳ ሂንቴ ኤሬታ። 16 ሂንቴካ ኤንታ ማላ አሳሲኔ፣ ኤንታራ ኦሶን ዳቡሪያ ኡባሰ ኪቴታና ማላ ታ ሂንቴና ዋሳይሰ።

17 ኢስጻፋኖሴይ፣ ፎርቹናሲኔ አካይቆሲ ታኮ ዪዳይሲ ታና ኡፋይሲሰ። ሂንቴ ባይና ቤሳን ኤንቴ ሂንቴና ገዲዲ ታ ፓጫ ኩንሊደሶና። 18 ኤንቴ ሂንቴና ኡፋይሲዳይሳዳ ታናካ ኡፋይሲደሶና። ሄሳ ማላ አሳታ ደሳፒቴ።

19 ኢሲያ ዋሳ ኬላ አሳይ ሂንቴና ሳር ጎሶና። አቁሊኔ ጲሪሰቁላ ባንታ ሶን ሺቁያ ዋሳ ኬላ አሳራ ኢሲፌ ሂንቴና ጎዳ ሱንጻን ዋዛናፔ ሳርሶሶና። 20 አማኒያ አሻቴ ኡባይ ሂንቴና ሳር ያጎሶና።

ጌሻ ዬሬቴሊ ዬሬቴሼ ኢሶይ ኢሱዋ ሳርሊቴ። 21 ታኒ፣ ጳዉሎሲ፣ ሃ ሳርሱዋ ታ ኩሼን ፃፋሰ።

22 ጎዳ ደሶና አሲ ዴዒኮ፣ ቃንጌቴዳይሳ ገደ። ኑ ጎዳው፣ ሃያ!

23 ጎዳ ዬሱሰ ኪሪሰቶሳ አጵ ኬሃቴላይ ሂንቴራ ገደ።

24 ታ ሲቆይ ኪሪሰቶሰ ዬሱሳን ዴዒያ ሂንቴ ኡባራ ገደ። አሚንዒ።

ኦራሳ ጩቂዋ ጎፋላ
New Testament in Gofa

copyright © 2011 Wycliffe Bible Translators, Inc.

Language: Gofa

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Gofa

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-25

PDF generated using Haiola and XeLaTeX on 11 Nov 2022 from source
files dated 29 Jan 2022

c35d6c73-3843-5482-b53e-7559d35deee5